

T 9299/1142 (b)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 5 1930

稗史彙編卷之十三

哈佛大學漢和
圖書館珍藏印

海右閔民王圻纂集

地理門

堪輿類

堪輿之始

燧人始觀斗極而定四方伏羲始置土圭以測景因
定十二支方位神農始察土宜辨水性以定民居
軒轅遂相山川分地域此風水室土二家之本也
伊尹始制水平法而建表以辨方周公制二十四
向漢王況台

石罌墓

地

風土異稟

孔子家語堅土之人剛弱土之人柔墟土之人大沙
土之人細息土之人美耗土之人醜呂氏春秋曰
輕水所多禿與癯人重水所多尪與躄人耳水所
多好與美人辛水所多疽與痤人苦水所多疔與
偃人任子曰木氣人勇金氣人剛火氣人強而燥
土氣人智而寬水氣人急而賊人之生未有不鍾
於水土者而近世有不信風水之說特未思耳

東西益宅

孔子家語哀公問於孔子曰寡人聞東益宅不祥信
有之乎孔子對曰不祥有五而東益宅不與焉夫
損人而自益身之不祥也棄老而取幼家之不祥
也釋賢而任不肖國之不祥也老者不教幼者不
學俗之不祥也聖人伏匿愚者擅權天下之不祥
也不祥有五而東益宅不與焉淮南子魯哀公欲
西益宅吏爭之以爲西益宅不祥哀公怒左右諫
不聽乃以問其傅宰折睢曰吾欲益宅而吏以爲
不祥以爲何如宰折睢曰天下有三不祥西益宅
不與焉哀公一悅頃復問曰謂
對曰不

對曰不

行禮義一不祥也嗜欲無

取強諫

三不祥也哀公默然深念憤然自反遂不西益宅益宅益一事而有東西之異孔子及宰折睢所言之不同者豈記者得之傳聞而誤邪風俗通曰宅不西益俗說西者爲上上益宅者妨家長也原其所以不西益者禮記南向北向西方爲上爾雅曰西南隅謂之奧尊長之處也不西益者恐動搖之耳審西益有害增廣三面豈能獨吉乎

地氣

山氣多男澤氣多女水氣多暗風氣多聾木氣多偃石氣多力阻險氣多癯暑氣多殘雲氣多壽谷氣多痺丘氣多尪衍氣多仁陵氣多貧

正穴

古書云前有洿池後有丘陵東有流水西有長道謂之正穴此何義蓋葬家最忌偏陰偏陽南有洿池則火不上炎北有丘陵則水不下沉此抑火而滋水也東有流水則移西金於東西有長道則移東木於西此益金而尅木也水火不偏金木得位故謂之正穴俗師不解其義凡見前有池湖卽指爲明堂而不知大闊則水濫

身指爲龍而

不知大峻則火炎

地道六忌

凡地有絕澗天井天牢天羅天陷天隙必亟去之勿近也山水深大者爲絕澗四方高中央下者爲天井深山若蒙巖者爲天牢可以羅絕人者爲天羅地形陷者爲天陷澗道狹深者爲天隙

元定地理

蔡元定字季通博學強記能通術數傳康節之學嘗坐謫道州以死蔡喜地理學每與鄉人卜筮改窆其間吉凶不能皆驗及貶有贈詩曰掘盡人家好

隴丘寃魂欲訴更無由先生若有堯夫術何不先言去道州

凶地

建業大社西空地東吳時右司馬丁奉宅孫皓殺之流徙其家晉元帝初爲僕射周顛宅顛爲王敦所害後爲冠軍蘇峻宅峻反被誅後爲袁悅宅爲會稽王道子所親昵緣道子見殺又爲章武王司馬秀宅亦以凶終宋孝武時爲雍州刺史臧熹宅熹亦被殺故世稱凶地宋吏部尚書王僧綽嘗謂宅無吉凶請以爲第始造未

兇劾了殺宋

書

南史

冀州風水

朱文公常與客談世俗風水之說因曰冀州好一風水雲中諸山來龍也岱岳青龍也華山白虎也嵩山案也淮南諸山皆案外之山也真龍蟠虎踞耳

地因人勝

堪輿家之說紛紛矣如云山肥人飽山瘦人飢山清人美山濁人媼山完人喜山破人悲等語又如端方者生必忠傾側者生必佞柔亂者生必淫卑劣者生必賊粗猛主惡瘦薄主貧其形與理亦易見

然富貴之地天地所秘惜神物所護持苟非其人見如不見昔李唐龍圖蒞政酷虐楊公得數代宰執之地欲以與之夢二使叱之而止孫鍾孤孝種瓜為業三仙人乞食畢示之塋地後四世為吳帝觀此豈非陰德必報之驗與然則不務積德而廣求計取美地以圖富貴其亦不達天人之故矣

古蹟類

堯碑禹碣

述異記云崆峒山有堯碑禹碣皆科斗書淳化閣帖首有禹篆十二字與地

石室室中有鳥刻篆文自子
十餘字止有鴻荒漾余乃權六字可辨餘叵識後
復追尋之已迷其處福建莆田縣陳崑山有自然
仙篆以紙模之形類禹刻何焘詩鳥書蟲文不可
識如讀岫嶠神禹碑禹之遺跡靈閔如此號曰神
禹抑有由矣 徐靈期衡山記云夏禹導水通瀆
刻石書名山之高劉禹錫寄呂衡州詩云傳聞祝
融峯上有神禹銘古石琅玕姿秘文龍虎形崔融
云於鑠大禹顯允天德龍畫傍分螺書匾刻韓退
之詩岫嶠山尖神禹碑字青石赤形模竒又云千

搜萬索何處有森森綠樹猿猱悲古今文士稱述
禹碑者不一然劉禹錫蓋徒聞其名矣未至其地
也韓退之至其地矣未見其碑也崔融所云則似
見之蓋所謂螺書匾刻非目覩之不能道耳宋朱
晦翁張南軒遊南嶽尋訪不獲其後晦翁作韓文
考異遂謂退之詩爲傳聞之誤蓋以耳目所限爲
斷也王象之輿地紀勝云禹碑在岫嶠峰又傳在
衡山縣雲密峰昔樵人曾見之自後無有見者宋
嘉定中蜀士因樵夫引至其所以紙打其碑七十
二字刻于雙明觀中後

沙得之云是宋嘉定中何政一模刻于麗書院者斯文顯晦信有神物護持哉韓公及朱張求一見而不可得余生又後三公乃得見三公所未見亦奇矣禹碑凡七十七字輿地紀勝云七十二字誤也其文云承帝曰嗟翼輔佐卿洲渚與登鳥獸之門參身洪流而明發爾興又旅忘家宿嶽麓庭智營形折心罔弗辰往來平定華嶽泰衡宗疏事哀勞餘仲禋鬱塞昏徙南瀆行亨永制食備萬國其寧窳舞永奔

金臺

周時燕立國在易州黃金臺遺址今尚在後人謂京師爲金臺又有隗家庄相傳爲郭隗所居

丁令威宅

陽山法海寺乃丁令威宅有煉丹井存焉號丁令威泉井水至今其美雖旱不竭

拜郊臺

吳王拜郊臺在橫山之上今遺跡尚存春秋時王政不綱以諸侯而郊天僭禮亦甚矣

漢王盟壇

沔陽城在漢水南舊蕭何所築也劉備爲漢王權任

此城盟於城下今門外有盟壇猶存

奉高

奉高者以事東嶽帝王禪代之處也故明堂在縣南四里漢武立大壇於東山以登泰山示增高之意

墨池遺跡

至道二年內侍高旺裴愈奏王羲之蘭亭曲水傍置寺賜額天章又於書堂基上起樓藏二聖御書仁宗皇帝親篆寺額以寵之按華初平記越州天章異聞集云山陰去城西南二十五里有天章寺卽王逸少上巳日脩禊之蘭亭也山如平障水似松

江其鵞墨池傳云皆當時遺迹也不甚深廣引溪爲之源流相注每朝廷恩命將至墨池必見前後不爽其將見則池際水上浮沫員結旣大如斗渙散滿池雲舒霞卷烟膠粲爛如新研墨下流水復清澈皇祐中忽三日連發人疑其數謂將無驗未幾太宗真宗仁宗三朝御書皆至又按方勺泊宅編山陰蘭亭有逸少研池寺曰天章以藏真宗皇帝御書故也當時朝廷每有班降之禮池水盡墨可以染緇太常卿沈紳常記其事以誌之

顧野王宅

淞江華亭縣亭林鄉乃梁顧野王所居之地今寶雲寺是也尚像野王爲伽藍硯池之水早清中綠晚則黑亦奇也野王所栽剔牙松死方二十年根尚存梁碑少剝趙子昂碑記異事甚詳

風俗類

繫煎餅

拾遺記江東俗號正月二十日爲天穿日以紅縷繫煎餅餌置屋上謂之補天穿李白詩云一枚煎餅補天穿

冬蟲窠巷陌

四方指南海爲烟月作坊以言風俗尚淫故也今京師鬻色戶將及萬計至於男子舉體自貨迎送恬然遂成冬蟲窠巷陌又不止烟月作坊也

江右俗儉

江西民俗勤儉每事各有節制之法其流弊頗有可笑者然亦各有一名如喫飯先一盃不許喫菜第一二盃纏以菜助之名曰齋打底饌品好買猪雜臟名曰狗靜坐以其無骨可遺也勸酒果品以木雕刺彩色飾之中惟時果一品可食名曰子孫菓獻神牲品賃於食店獻畢還之名曰人沒分節儉至

利安彙編 卷之十三 九
此極矣學生讀書人各獨坐一木榻不許連長凳
恐其睡也名曰沒得睡此法可取

嶺南風俗

嶺南地煖草萊經冬不衰故蔬圃之中栽種茄子宿
根有二三年者漸長枝幹乃成大樹每秋夏熟時
梯摘之三年後樹老子稀卽伐去別栽嫩者又其
俗入冬好食餛飩往往稍暄食須用扇至十月旦
率以扇一柄相遺書中以吃餛飩爲題故俗云踏
梯摘茄子把扇吃餛飩

灸女面

歸州民家自漢王昭君嫁夷域至今生女不拘妍醜
必灸其面其俗至今猶然

燕俗

漢史云燕地初太子丹養賓客勇士不愛後宮美女
民化以爲俗至今猶然賓客以婦侍宿嫁娶之夕
男女無別反以爲榮近頗稍止方南北通好每燕
集必用娼妓半皆良家以色選差如中國之雇役
更不以爲耻也後燕山諸將嘗大會指名以召諸
娼莫有至者怪而問之云待之輕薄故不來蓋以
衆客共要一妓始爲厚也其良家多染左衽族女

子皆髡首許嫁方留髮冬月以括萎塗面謂之佛
教但加傳而不滌至春暖方滌去久不爲風日所
侵故潔白如玉

土風

浙西諺云蘇杭兩浙春寒秋熱對面斯啜背地斯說
又云雨下便寒晴便熱不論春夏與秋冬言其無
常也九州以揚各地本其水波輕浮大抵人性類
土風西多土故其人重厚朴魯浙揚多水其人明
慧文巧而患在輕淺肝膈可見於眉睫間不爲風
俗所移者唯賢者爲能耳

吳楚娶婦

吳人娶婦欲長美觀瞻也楚人欲矮善哺便傭工也
然地脉相接而風俗不同大抵吳奢楚儉故至如
此有人戲作娶婦辭嘲之其辭云楚人娶婦何喧
喧高堂十日排酒筵親戚回頭小姑起傳道新人
短而喜低小腰身解哺兒春糧擔水不知疲西家
老翁長吳塞吳人娶婦長者愛紗籠前引扶入門
新人長大媒人尊金馬丁東步搖轉春風裊裊花
枝顫可憐吳楚地不同新人長短爲枯榮若使吳
人生落楚一生醜惡何其苦乃知長短亦有命不

系生身係生土

北人無熱疾

賈君中土人每日火麪而食罕生壅熱之患或問之曰陝右風性至寒故民多傷風河洛東北水鹹冷故民雖哺粟食麵而無熱疾又曰滎臺風水性寒冷尤甚土民啗附子如啗芋栗

婦人成市

橫州貿易百貨悉皆婦人男子不十一云城中居者多戎籍不敢買僕有僕則有差雖武弁家例不得免故廝役多用婦女至販粥侍從亦然大家巨族

有至一二十人有善經紀者值銀二十兩有司民間亦染此俗誠可鄙也又有鄉村人負柴米入市亦是婦人尤爲可笑

鼻飲

南人習鼻飲有陶器如柶椀旁植一小管若銜嘴以鼻就管吸酒漿暑月以飲水云水自鼻入咽喉快不可言

捲伴

南州法度疎略婚姻多不正村落強暴竊人妻女以逃轉移它所安居者謂之捲伴言捲以爲伴侶也

已而復爲後人捲去至有歷數捲未已者其舅姑
若前夫訪知所在詣官自陳官爲追究往往謂前
夫亦是捲伴得之復爲後人所捲惟其親及父母
兄弟及初娶者所訴卽是始初被捲之家

草子

南中大率小民不問病源但頭痛體不佳便謂之草
子不服藥使人以小錐刺唇及舌尖出血謂之挑
草子

鳳州三出

陝西鳳州妓女雖不盡妖麗然手皆纖白州境內所

生柳翠色尤可愛與它處不同又公庫多醞故世
言鳳州有三出謂手柳酒也宣城士人李愈云吾
鄉有四出問何物答曰漆栗筆蜜

陵墓類

塚墓

黃帝內傳曰帝斬蚩尤因置塚墓然諸小說家往往
記伏羲女媧之塚疑後人增築云

天子山陵

秦名天子塚曰長山漢以後通名曰山陵

女媧陵

舊唐書天寶十一載六月閩鄉縣黃河中女媧墓因大雨晦冥失所在至乾元二年六月瀕河人聞有風雷曉見其墓湧出下有巨石上有雙柳時號風陵堆蓋女媧亦風姓也事又見喬潭所撰女媧陵記千萬年後靈異如此補天之說亦或不誣

山西趙城

縣亦有女媧墓

禹志

越中禹志者有高松數十株遠望無不見故郡人謂之禹志禹巡狩至會稽殂落塋于此陵今與山為一體皆變為石矣漢書云禹葬會稽不改其列注

謂不改松木百物之列也祠後窆石存焉今疑謂為禹志即夏帝陵耳且三王之世無山陵名至秦為山漢為陵後兼二為名若然者古之志即今之陵也

比干墓銘

唐開元中偃師人耕地得古銅盤篆古文曰右林左泉後岡前道萬世之寧於焉是寶考岳經乃比干墓銘

破比干墓

政和間朝廷求訪三代鼎彝器程唐為陝西提點茶

馬李朝孺爲陝西轉運遣人於鳳翔府破商比干墓得銅盤徑二尺餘中有款識一十六字又得玉片四十三板其長三寸許上圓而銳下濶而方厚半指許玉色明瑩以盤獻之于朝廷玉乃留秦州軍資庫然劉表又言比干墓在衛州西山去城數十里有漢唐以來碑刻甚多墓周迴數里生異木樛結不可入而此言墓在關中未知何也

闔閭夫人墓

闔閭夫人墓中周迴八里別館洞房迤邐相屬漆燈照爛如日月焉尤異者金蠶玉燕各千餘隻

黃鄉園陵

小黃縣者宋地黃鄉也沛公起兵野戰喪皇妣于黃鄉天下平定乃使使者以梓宮招魂幽野於是冊蛇在水自洒濯之入于梓宮其浴處有遺髮故謚曰昭靈夫人因作園陵寢殿

陳留風俗記

夏侯嬰改葬

漢夏侯嬰以功封滕公及死將葬未及墓引車馬踣地不前使人掘之得一石室中有銘曰佳城鬱鬱三千年見白日吁嗟滕公居此室遂改卜焉

出獨異志

孫堅得墓地

孫堅喪父行求墓地忽有一人曰君欲百世諸侯乎欲四世帝乎答曰欲帝此人因指一處而沒堅異而從之

孫堅墓

政和戊戌歲平江府盤門外太和宮相近耕夫數人穴一塚初入隧道甚深其中極寬如屋然後有數門皆扃鑰不可開耕者得古器物及鴈足鳧鏡之類以爲銅也欲貨之熟視乃金因紛爭至官時應安道逢原爲郡守盡令追索原物到官乃遣郡官數人往閉其穴觀者如堵其中四壁皆繪畫嬪御之屬丹青如新畫手殊竒妙有一秘色香爐其中灰炭尚存諸卒爭取破之塚之頂皆畫天文玄象此特初入之室棺柩尚在其重室內又得數器而出乃掩之後考圖經云吳孫破虜堅之墓也然考之吳志堅薨葬曲阿未詳此果何人

王伯陽墓

王伯陽塚在京口宅東有一塚傳云是魯肅墓伯陽婦郝鑿兄女也喪亡平墳以葬後數日伯陽晝坐廳上見一貴人乘肩輿將從數百人各執鐵器徑來坐謂曰身是魯子敬安塚在此二百許年君何

敢毀吾塚因目左右牽下床以刀環築之數百而去絕而復蘇築處皆發疽潰數日而死續搜神記

黃初塚

洛陽城南京卽隋之豐都市也初築外垣之時掘得一塚無磚甃棺中有平幘朱衣銘曰筮言居朝龜言近市五百年間於斯見矣攷其年月當魏黃初二年也

武侯墓

武侯壘東南有定軍山入山十餘里有諸葛武侯墓鍾會征蜀至漢川祭亮之墳令軍士不得於墓芻

牧樵采今松柏碑銘儼然

盜跖塚

高唐縣南有鮮卑城舊傳鮮卑聘燕停於此城旁有盜跖塚塚極高大賊盜嘗私祈焉唐天寶初縣令丁永興有羣賊劫其部內興乃密令人伺之塚旁果有祈祀者乃執詣縣按殺之自後祀者頗絕

浦陽古塚

宋浦陽江有琵琶圻圻有古塚墮水甃有隱起字云筮吉龜凶八百年落江中謝靈運取甃詣京咸傳視焉乃驗龜繇古塚已八百年

出水經

張盧墓

上洛男子張盧死二十七日人有盜發其塚者盧得蘇起且問盜人姓名郡縣以盜雖元意奸宄盧復由之而生不能決州牧呼延謨以聞劉曜詔曰其意惡其功善論咎三百不齒終身

漢趙記

劉畚墓

高駢鎮蜀日以南詔侵暴成都比無垣墉乃計築羅城四十里令指揮使姜知古發古塚取磚甃之有鬼現形稱劉畚一作趙畚獻姜書曰趙氏之寃搏膺入夢良夫之枉被髮叫天有怨必讐無道則見流于

往史載在前文畚一介遊竟九泉罔象德不勝響禱不勝人無廟貌于世間遂栖沉于泉壤自蒙天譴使掌冥司伏審渤海高公令君毀畚墳闕畚謫居冥府天賜佳城平生無戰伐之讐邂逅起誅夷之釁得不撫銘旌而憤志托觚翰以申懷伏乞端公俯念無依迴垂有鑒特千萬雉免此一坏倘全馬鬣之封敢忘龍頭之庇姜以白駢駢令祭而封之

郡閣雅談

高流之遷古墓

後魏高流之為徐州刺史決滹沱河水繞城破一古

墓得銘曰吾死後三百年背底生流泉賴逢高流
之遷吾上高原流之爲造棺槨衣物取其柩而改
葬焉出朝野
僉載

張詹墓

冠軍縣東有魏征南軍司張詹墓魏太和時人也刺
其碑背曰白揪之棺易朽之裳銅鐵不入瓦器不
藏嗟余後人幸勿我傷自胡石之亂墳莫不夷毀
此墓元嘉初猶儼然六年大水民飢始被發初開
金銀銅錫之器雕刻爛然畢備有二朱漆棺棺前
垂竹簿金釘釘之墓不甚高而內極寬大空設白

揪之言實負黃金之實雖意錮南山寧同壽乎

荆州
記水
經注

昭陵銀兔

陝西九鬮山唐太宗昭陵在焉嘗有醴泉縣村民取
薪于山見白兔突起草中異而逐之兔躍入巨穴
民不覺失足亦墜焉乃入隧道中頗覺暗黑其旁
累銅缸十數皆盛油設關板流注最下一缸中宿
火其竅有礙油不下火熒熒欲滅民爲通之火復
明向所逐兔宛然在旁乃銀鑄者上有刺字云撥
燈人賜銀兔一箇民視四周積金銀珠貝瑰麗萬

狀再拜請曰小人貧所賜不足以贍願更益之于
是恣意取之懷挾將出而路迷跬步莫辨便舍之
乃復有門豁然遂攜兔而出隧門旋閉僅有微罅
民歸隣居惡少年聞之者競到陵所迹其罅掘之
杳不可窮事覺皆被逮繫民亦幾坐譴云庚巳編

王果收葬

唐左衛將軍王果被責出為雅州刺史於江中泊船
仰見巖腹中有一棺臨空半出乃緣崖而觀之得
銘曰欲墮不墮逢王果五百年中重收我果喟然
嘆曰吾被責雅州固其命也乃收窆而去

鄔載移墓

開元中江南大水溺而死者數千郡以狀聞玄宗詔
侍御史鄔君載往巡之載至江南忽見道傍有古
墓水潰其穴公念之命遷其骸於高原上既發墓
得一石鑿而成文蓋誌其墓也誌後有銘曰爾後
一千歲此地化為泉賴逢鄔侍御移我向高原載
覽而異之因校其年果千歲矣出宜室志

墓樹不斷

華陰太守趙冬曦先人壟在鼓城縣天寶初將合祔
焉啟其父墓而樹根滋蔓圍繞父棺懸之於空遂

和史身身
卷之十三
不敢發以母柩置於其傍封墓而返冬曦兄弟七人皆秀才有名當世四人至二千石 開元二十年萬年縣有人父歿後家漸富遂葬父櫬亦爲縈繞不可解其人遂刃斷之根皆流血遂以葬旣而家道稍衰死亾俱盡

出記
開一

李白墓

采石江之南岸田畝間有墓世傳爲李白葬所累甃圍之墳可高三尺許前有小祠堂其草芊芊范傳正作碑曰白之孫女言白嘗殯龍山之東麓墳高三尺傳正時爲宣歙觀察使諭當塗諸葛縱改葬

於青山則在舊瘞之東六里其時元和二十年也然則龍山青山二地皆有白墳亦有實矣至謂白以捉月自投於江則傳者誤也曾鞏曰范傳正志白墓稱白偶乘扁舟一日千里白之歌詩亦自云如此或者因其豪逸又嘗草瘞江邊乃飾爲此說正史及范碑皆無捉月投江之事

張崇妻墓

秦州節度使王承檢築防番城至上邽山下獲瓦棺內無屍唯有一片舌肉色紅潤堅如鐵石其舌上只有一髑髏中有一古錢有一蠅振然飛去片石

刺篆字曰大隋開皇二年渭州刺史張崇妻夫人
王氏年二十五嫁於崇三年而娠惡其妊娠遂卒
銘曰車道之北邙山之陽深深葬玉鬱鬱埋香刺
斯貞石煥乎遺芳地變陵谷巖列城隍乾德丙年
壞者合卽是歲僞乾德六年丙子歲也言壞者合
卽卽王承檢小字也

玉溪
縮事

趙太祖陵

宋太祖生於西京甲馬營開寶九年西幸還其廬駐
蹕以鞭指其巷曰朕憶昔得一石馬爲戲羣兒屢
竊之朕埋於此不知在否斲之果然上愛山川形

勝樂其土風有遷都之意李懷忠諫以根本不可
輕動議遂寢拜安陵奠哭爲別曰此生不得再朝
於此也卽更衣服弧矢登闕臺望西北鳴絃發矢
指矢委處謂左右曰卽此乃朕之皇堂也以向得
石馬埋於中又曰朕自爲陵名曰永昌是歲果宴
駕

孝宗聖德

宋隆祐太后升遐時朝廷欲建山陵兩浙漕臣曾公
亮謂帝陵寢今在伊洛不日復中原卽歸祔矣宜
以攢宮爲名僉以爲當遂卜吉於會稽民間塚墓

有附近者往往多徙而之他高宗思陵興役之際
孝宗嘗密勅無得輒壞人間墳墓其愛人卹物一
至於此文王之澤及朽骨未足多也

景文遺戒

宋景文公遺戒云吾歿之後稱家有無以治喪用澣
濯之衣鶴氅布裘紗帽綫履三日棺三月葬慎無
為流俗陰陽拘忌也棺用雜木漆其四會三塗即
止使數十年足以腊吾骸而已吾學不名家文章
僅及中人不足垂後為吏在良二千石下無功於
國無惠於人不可請謚不可受贈典不可求鉅公

作碑志不可作道佛二家齋醮汝等不可違命違
命作之是以吾死為無知也

趙繁聞見

侍中丞相二墓

宋張侍中耆遺言厚葬晏丞相殊遺言薄葬二公俱
葬陽翟元祐中同為盜所發侍中壙中金玉犀珠
克塞盜不近其棺所得已不勝慰皆列拜而去丞
相壙但瓦器數十盜不酬其勞斲棺取其金帶則
又木也遂以斧碎其首厚葬免禍薄葬致禍楊王
孫之計踈矣

聞見錄

陳魏公墓

陳魏公父墓在莆田境中南寺之側本一富民葬處也葬後二十年間若子若孫皆病目甚至於盲障有術人語之曰此害由墓而起當急徙之以其地售與它人則可不然日甚一日歲甚一歲禍將益深殆不可救

大懼卽別卜改窆而故穴爲魏公家所得富民病者愈而魏公正位宰相官至少師然則宅兆之吉蓋有所係無德以承之不惟不得福乃受其殃不容妄冀也

王樞密招魂

王淵以建炎三年僉書樞密院死於苗劉之難骸骨

不存及事寧詔令招魂以葬官給其費而子弟懦弱久未得集王倫以僉書樞密留守東京死於虜庭其後十二年尸柩不歸亦俾招魂葬其子居宜興至紹興三十年始克作墓將以詰旦掩壙姻戚畢會天未明乃已有寘棺于中者驚問之則爲淵家所據矣兩下爭鬪幾於兵刃相格事聞於州縣皆知曲在淵家而其言曰彼此俱是勅葬資於國力用之何妨官司莫能決淵故部將多顯貴遂云淵旣就窆豈宜復徙但命倫子別卜地而轉運司爲主辦乃已兩人皆王氏皆爲樞密皆不得其死

皆奉勅招魂其家皆在宜興去淵之沒凡三十餘年冢訟方起殆未之前聞也

長安古塚

長安近城官道之側有大古塚以當行人常所往來故獨久存不毀建炎初寇亂有人發之得古鏡鍾鼎之屬甚多驗款識皆三代物塚為隧道窟室土堅如石周匝皆刻成人物侍衛之狀其冠服丈夫則幘頭婦人則服絳衣皆寬袖頗類今制而小異乃知數千歲前冠服已如此式

韓羽建墓

秦州人韓羽置墳山於近郊擇慶元二年三月課工斬草建造生墓正晝間見一紅裳婦人皂衣鬚翁從山內奔出羽異之晚歸與其妻徐氏說徐氏夢所見二人跪于牀下婦曰妾與翁在此五百年矣今日方遇主人無以効勤敢持微物上獻即捧出紫袋不知其中所盛者何名色也徐接之而寤覺手內有所執呼婢點燭視之果是紫袋而中包一瓢搖之有聲頗嚮訝而藏去明日韓復入山迨夜半徐又夢二人跪獨婦言曰昨與娘子一瓢七棗在內可鑽開取食續當生七男他時為國家棟樑

如嫗耄年亦可與媳婦服亦生七孫榮顯聞來日
開金井如見妾等切不可殺婦曰汝二人形像各
在何所曰盡在穴裏一人長一尺八寸一人高三
寸語畢騰空而去徐驚覺不敢復睡以告其夫明
日於土內得一赤蛇長一尺八寸身紅如金一龜
高三寸身綠色韓以銀盆貯之捧歸翌日啟視無
所見而七棗至今存

移葬應識

紹定庚寅天台水災雖城中亦被害及十分之七水
退而官司各訪舊地忽王簿廳基衝出一朱棺正

當廳治其簿朱公命移往東山掩瘞役夫開掘其
地忽見一碣上有字云乾卦吉坤卦凶五百年逢
朱王簿移我葬山東雖不知其爲誰而亦可異遂
移葬之

晦菴先知

晦菴先生家墓乃先生自觀溪山向背而爲之面值
一江有沙亘其間先生嘗云此沙開時吾子孫當
有人朝者其家有私記存焉景泰間 朝廷念其
有功於世求訪其子孫於是九世孫挺徵入朝授
五經博士世官一人王祀公文未至之數日其沙

忽被水衝開適中其言蘇州府通判倪文烜建寧人母朱氏槿之女兄爲子言此事晦菴非術數之學而其驗如此

土筵席

墓家聽術士說例用朱書鍊券若人家契帖標四界及主名意謂亡者居室執守不知爭地者誰耶墓前甃石面表之方長高不登三尺號曰券臺貧者無力則每築土以藉尊俎謂之土筵席

洛州古塚

黃門侍郎盧渙爲洛州刺史屬邑翁山縣溪谷迴旋

闐寂無人嘗有盜發墓云初行見車轍中有花磚知是古塚乃結十人詣縣投狀請路旁居止縣許之遂種麻令外人無所見卽悉力發掘入其隧路漸至壙中有三石門皆以鐵封之其盜先能誦呪因齋戒近之至日兩門開每門中各有銅人銅馬數百持執干戈其制精巧盜又齊戒三日中門半開有黃衣人出曰漢征南將軍劉志使來相聞某生有征伐大勲及死敕令護葬又鑄銅人馬等以象存日儀衛奉計來此必要財貨所居之室實無他物且官墓不瘞寶貨何必苦以神呪相侵若更

不已當不免兩損言訖復入門合如初又誦呪數
 日不已門開一青衣又出傳語盜不聽兩扇欵闢
 大水漂蕩盜皆溺死一盜能泅而出自縛詣官具
 說本末渙令復視其墓中門內有一石狀骷髏枕
 之水漂已半垂於牀下因為封兩門窒隧路出玄怪錄
 墓中靈物

徐壽輝先墓在湖廣之某縣敵人潛往發之有赤幘
 蠅萬萬飛去壽輝不久被殺張士誠先墓有溝環
 之水中一鮎魚長六七尺時出遊行人不能捕士
 誠敗其魚浮死水面金侍郎庠之父戊死函骨雲

南石崖上及貴移之函中一血色蜘蛛走去其後
 亦不振大抵山川靈秀融聚成形泄之非所宜矣

張真人塚

張真人之始祖善相地負其親骸骨行求十餘年到
 龍虎山覩其崖吉而峻險不能梯乃粉其骨為彈
 丸以弓發之至若干丸而墮後復再中至若干丸
 而止故其封爵中絕尋亦復續此其驗也又其家
 口號云傳睛不傳髮傳髮不傳睛今子孫襲封者
 非髮髮上指則目睛仰生云

下壺孫權墓

京師不許有墓雖古者發之 太祖一日微行至朝
天宮前見一婦人大笑問何爲也曰吾夫爲國死
爲忠臣吾子爲父死爲孝子天下婦人好夫好子
無出我右故笑之 太祖曰汝夫在何所婦人以
手指之此去數十步遂不見明日 太祖命有司
往視之惟草木森翳而已掘地數尺有誌乃晉下
壺之墓命掩之 孝陵城西門內有吳孫權墓築
城者奏欲去之 詔曰孫權亦好漢子留爲門王
遂止

彭學士墓

永樂間安福彭學士汝器與解學士縉俱被 長陵
寵 長陵常令二人以手摸水中碑解一次卽能
誦彭至二次始能誦然 長陵喜彭謹飭怪解疎
狂寵不異一日 長陵命彭圖其先塋上之比進
上見其塋面石羊山一峯殊峭拔取朱筆點其巔
曰汝家出汝清顯皆此峯力數月家中寄書云某
日石羊山峯崩裂計期卽 長陵筆點日彭深以
爲異不二三年彭亦卒至今其家竟無成名者

黔國祖塋

江西樂平縣有李氏墳風水甚勝後人環居其下皆

温飽自言其祖墳卽黔國公祖墳嘉靖間黔國沐公紹勛遣人樹坊於彼扁曰黔國公祖塋邑人始傳李氏先有以漁渡爲業夫婦共一船如江南所謂夜行船者 孝陵少年奔走嘗宿其船遂幸其婦俄有娠別去旣而生一子稍長夫嬾俱亾子遂育於 孝慈卽西平侯是也 孝陵以其母重身後猶隨夫故不以李朱爲姓而以沐命氏焉

董氏墓地

董越之祖爲一大姓主家其妻死求墓地於主云吾山多地惟君所擇董老云安敢覬此地只牛眠地

足矣主許之乃告曰吾無直惟有斗酒雙鶩而已請公親書爲証主乃書其衣裾云門前有片牛眠渦送與董公葬董漣後世子孫若問價一壘煮酒一雙鶩葬後生越仕至禮部尚書

一事張闕說

林氏葬處

福州林公得山人爲擇吉壤問何以葬曰肯舍此山松斫而乾之焚七日夜寸石裂而美土見旣得葬地一區山人言用之富貴悠久不可言公曰與其私吾一支孰若均之合族因遷宗族火葬二十餘穴叢埋焉其妻恚走上嶺以金釵置於中穴曰吾

科史彙編 卷之十一
欲葬是遂留爲已穴而族人反誣其盜塚官詰之
以實對乃更褒賞而遣之生子觀仕爲訓導孫元
美太守曾孫瀚吏部尚書玄孫廷楫廷檀廷機雲
孫炫皆由進士顯衣冠爲八閩之最

柯狀元祖墓

柯四者莆田之小民也有一山人善相地爲富家塋
夜卧於穴土神呼之曰此柯狀元祖穴奈何犯之
速遷可免禍明日以語主人此非而家所應得神
告我矣其家遂別塋然郡中大族無柯氏者他日
山人假坐米肆肆王姓柯山人問家有葬者否曰

父枯骨在淺土然吾無貲又無室安得葬山人默
然他日柯行經尼院覆盥水濡其裳柯怒吾貧者
天寒如此乃濕吾衣汝必爲我爇燥尼不得已然
火烘兩情倏起入室而狎自是寅出戌往情好日
篤久之尼嫁柯爲夫婦山人又遇之曰子今有貲
可以買地矣爲言於主人立券易地掘父枯骨瘞
其中俄而尼生子曰潛以景泰辛未年及第仕至
翰林侍讀

焦老墓田

房州西門外三十里有石室道觀在其側曰九宮宮

士人相傳云陳希夷常棲此地石室乃卧窩也民
 焦老者居山下陳每日一訪之至則二鶴翔空而
 下焦氏以此候之傾家出迎具茶果延貯經歲一
 日告去焦曰先生將何之曰吾欲歸三峯耳焦父
 子挽留不可陳問曰汝家何所欲官邪富邪焦曰
 窮山愚民不願仕倘得牛千頭志愿足矣陳笑曰
 易事也携與俱行入山後指一穴言異日葬此當
 如汝志遂別去及焦老死其子奉柩窆於所指穴
 數年間資產豐裕耕牛果及千頭迨今二百年子
 孫尚守舊業牛雖減元數然猶豪雄里中鄉人名

其處為焦老墓田

二事張玘
子溫說

疑塚

元人詠曹操疑塚詩云生前欺天絕漢統死後欺人

設疑塚人生用計死即休何有遺機到丘壠人

疑塚我不疑我有一法君未知會須盡伐疑塚七

十二必有一塚藏君屍陶南村曰此詩之鈇鉞也

劉子曰老瞞毛骨豈真葬七十二塚間哉奸雄欺

人詩家又墮其計吾恐老瞞之鬼揶揄矣觀元人

起輦谷之墓則老瞞之計豈若是淺哉綠雪亭
雜言按

前詩乃宋俞應時作見輟耕錄

真娘墓

真娘者吳國佳人也時人比於蘇小小死葬吳宮之側行客感其華麗競為詩題於墓樹櫛比鱗臻有舉子譚銖者吳門秀逸之士因書絕句後之來者覩其題處稍息筆矣詩曰武丘山下塚纍纍松栢蕭條盡可悲何事世人偏重色真娘墓上獨題詩

稗史彙編卷之十三終

稗史彙編卷之十四

海右閒民王圻纂集

地理門

夷方類 東夷

東蠻入朝圖

唐時東蠻王入朝顏師古奏管武王時遠國歸欵周史集為王會篇今卉服鳥章備集蠻邸請圖其事以貽於後詔閣立本圖之盡該毫末倍得精神

吳明國

貞元八年吳明國貢常爇鼎鸞蜂蜜其國去東海數

萬里經挹婁沃沮等國其土宜五穀多珍玉無剽劫人壽二百歲俗尚神仙術一歲中乘雲駕鶴者往往有之常望黃氣如華蓋知中國土德王遂願貢奉常燃鼎量容三斗光潔似玉色紫每修飲饌不熾火而俄頃自熟香潔異常久食之令人返老爲少百疾不生鸞蜂蜜其蜂聲如鸞鳳身被五彩大者重十餘斤爲窠於深巖峻嶺間大者占地二三畝國人采其蜜不逾二三合如過度即有風雷之異若螫人生瘡以石上菖蒲根傳之即愈其色碧貯之白玉碗表裏瑩徹如碧琉璃久食令人長

壽顏如童子髮白還黑及沈疴眇跛無不療焉

出杜

陽襍編

日本國

史傳多言日本國乃徐福之後福誑秦皇請以童男女各五百人入海求神仙久之莫得恐歸則被誅遂止不返今倭之北京有徐福祠雖倭人亦自謂福爲其始祖也偶閱金仁山通鑑前編於勾踐滅吳之下注云吳自秦伯至夫差二十五世今日本國貢云吳秦伯之後蓋吳亾其子孫支庶入海爲倭也金氏博貯羣書其言當必有據是徐福未止

之前倭固有開先者矣予意倭之先不起于福而倭之後風氣日開種類日滋則福之衆實遺育焉然則福乃再基之祖也

倭詩

國初欲征倭國彼遣使嚙哩嘛哈奉表乞降 上問倭國風俗何如嚙哩嘛哈以詩答曰國比中原國人同上古人衣冠唐制度禮樂漢君臣銀瓮芻新酒金刀膾錦鱗年年二三月桃李一般春 上初欲罪其不恭徐乃貫之

外國書

五代廣順中高麗進別敘孝經一卷記孔子所生及弟子從學事又有孝經雌圖說日之環暈星之彗孛宋軋道中南詔使者見廣南人言其國有五經廣注春秋後語三史加注張孟押韵集聖曆諸書歐陽公日本刀歌徐福行時經未焚逸書百篇今尚存令嚴不許傳中國舉世無人識古文由此觀之則尚書全文日本國尚有之

毛人國

日本國之東約三千里限以大山外有毛人國面體俱生毛約寸半許殆若猪然而語言形體則人也

往見倭國使人言毛人與其國不通間嘗犯邊有生獲者乃得其狀貌如此按山海經傳云晉永嘉四年吳郡司鹽都尉於海邊獲一船有男女四人毛生如前身短小而無衣服語言不通送詣丞相府未至道歿惟一人在上賜之婦生子以後出入市井漸曉人語自言其所生是毛民也

高麗風俗

高麗王建自後唐長興中始代高氏爲君長傳位不欲與其孫乃及于弟生女不與國臣爲姻而令兄弟自妻之言王姬之貴不當下嫁也國人婚嫁無

聘財令人通說以米食爲定或男女相欲爲夫婦則夏日群浴於漠流男女無別瀕海之人潮落舟遠則上下水中男女皆露形父母病閉於室中穴一孔與之藥餌歿則不送

高麗始末

高麗出自扶餘之種自三國以來見於史者句驪其國號高其姓也在遼東之東地名紇升骨城南連朝鮮漢武滅朝鮮分地爲真番臨屯樂浪玄菟四郡以高麗爲玄菟屬郡至晉永嘉時四郡又爲高麗所有其王高連遷居樂浪改名平壤城至隋去

句字唐太宗伐之遂爲屬邑置都護焉唐末五代中原多事復自立爲君後唐同光元年使韓申來尚姓高氏長興中則稱權知國事王建史失其傳是王氏代高氏之位也王漸拓地又遷都岳松宋祖肯來朝端拱以後不復入貢元豐中王徽主國每慕中華復來修好遣臣從國子肄業求九經問佛法嘗誦華嚴經祝曰願生中國一夕夢至京師觀燈若宣召然遍呼曾至京師者問之畧皆夢中所見乃自爲詩識之曰宿業因緣近契丹一年朝貢幾多般忽蒙舜日龍輪召便侍堯天佛會觀燈

燭侶蓮丹闕迥月華如水淡雲寒移身幸入華胥境可惜終宵漏滴殘子孫世承亦朝貢于遼金元至元豐三年高麗國遣使柳洪副朴寅亮朝貢且獻日本國車一乘洪云諸侯不貢車服誠知非禮本國所以上進者欲中朝見日本工拙爾朝廷爲留之洪武間高麗國王顓進表貢方物稱臣上給以金印封高麗王其相李仁人及子李成桂殺王福王昌王瑤王奭而自立貢方物進表請更國號上改高麗爲朝鮮從其族自爲聲教成桂改名曰進表納前恭獻王印請朝鮮印及封王 誥

命 上不從所進表有犯王字樣 上罪使者言
表乃鄭集所撰 上以所貢金鞞等方物發還李
旦追鄭集送至京師 上罪之發雲南安置仍令
守遼都司禁約邊上不許高麗人通界商賈貿易
永遠絕之

高麗禮制

國官月六參文班百七十員武班五百四十員六拜
蹈舞而退國王躬自還禮稟事則膝行而前得旨
復膝行而退至當級乃步國人卑者見尊者亦如
之其軍民見國官甚恭尋常則胡跪而坐官民子

拜父父亦答半禮僧尼就地低頭拜國王夷俗不
盜少爭訟國法至嚴追呼雖寸紙不至即罰有犯
不去巾但褫袍帶笞者投束荆使自擇以牌記其
杖數最苦執縛交臂反接量罪爲之自一至九甚
者胛骨相摩胸皮折裂凡大罪刑部拘役周歲待
決終不逃其法惡逆及詈父母乃斬餘止杖肋亦
不甚楚歲以八月囚諸州不殺咸送王府夷性仁
至期多赦宥或配送青嶼墨山永不得還

高麗土產

五穀皆有惟無糯米以粳米爲酒少絲綿每一羅直

銀十兩故國中多衣麻苧地瘠唯產人參松子龍
鬚布藤蓆白礪紙癸未年倣本朝鑄錢以海東重
寶三韓通寶爲記 高麗善染采紅紫尤妙紫草
大梗如牡丹擣汁染帛人多織蓆有龍鬚蓆藤蓆
今舶人販至者皆以蓆草織之狹而緊密上亦有
小團花 黃漆生烏木上六月刺取色若金本出
百濟今浙人號爲新羅漆

四夷界限

朝鮮之境東西二千里東瀕海則朝鮮之外亦濱海
也西至嘉峪自嘉峪而西南則爲西域河源葱嶺

天竺在焉南濱於海海之南則爲安南占城三佛
齊暹羅東則爲日本東南則爲大琉球西南則爲
淳泥西洋彭亨諸夷北連沙漠則九邊之外東爲
會慶府則金上京與女直相鄰地北爲舊開平則
元上京越沙漠爲威虜鎮殺胡鎮 成祖北征所
至之地南望北斗北則爲和寧元初建都於此自
和寧北行四千餘里則爲大澤又東則爲北狄

高句驪

東夷國名居遼東之東其先出扶餘王嘗得河伯女
閉於日室內爲日所照旣而有姪生一卵置暖處

有一男破卵而出及長字之曰朱蒙其俗言朱蒙者善射也惟一矢殪獸甚多扶餘王欲殺之朱蒙走紇骨城居之號曰高句驪因以高爲氏

渤海風俗

渤海國去燕京女真所都皆千五百餘里以石累城東並海其王舊以大爲姓右姓曰高張楊竇烏李不過數種部曲奴婢無姓者皆從其主婦人皆悍妬大抵與它姓相結爲十姊妹迭譏察其夫不容側室及它游媾聞之則必謀寘毒死其所愛一夫有所犯而妻不知覺者九人則群聚而詬之爭以嫉忌相誇故契丹女真諸國皆有女倡而其良人皆有小婦侍婢惟渤海無之

琉球國

其國田沃穀盛氣候常熱男女以花印布大袖衫連褲穿之其酋長遵禮不科民下人皆效法釀甘蔗爲酒煮海爲鹽能習讀中國書好古畫銅器作詩效唐體地產金沙硫黃黃蠟貨用真珠瑪瑙磁碗之屬

三島

其處與琉球太崎山鼎峙有壘石層巒民倚邊而居

田瘠少收網魚於海織布於葉俗尚朴質男生拳髮婦女椎髻被單布為衣不解裁縫凡男子得附舶至中國既歸本處鄉人稱為能事皆尊禮之父兄皆讚者煮海為鹽釀蔗漿為酒地產黃蠟木綿布貨用金銀磁器鉄塊之屬

較沐國

越東有較沐國音善愛反長子生則解而食之謂之宜弟父歿則負其母而弃之言鬼妻不可與共居楚之南炎人之國其親戚歿刳其肉而弃之然後埋其骨乃成孝子秦之西有義渠之國其親戚歿聚柴

而焚之薰其煙上騰謂登煙霞然後為孝上以為政下以為俗而未足為非也見墨子出博物志

夷方類 南夷

安南

安南即古駱越之地秦屬象郡在歷代俱為郡縣至梁貞明中土豪田承美據土始為化外互有強者爭讓而宋時則有丁黎李陳四姓黎為最強宋軋德中多為其擾元至元二十六年方心服獻物納質國初其主陳日燿率先歸附賜安南之印傳至陳日焜永樂四年為黎季犛所弑季犛上表竄氏名

爲胡一元子蒼易名奩詐稱陳氏絕嗣奩爲甥求
權署國事長陵從其請逾年陳氏孫添平遁至
京師愬其事季犛因表請迎添平還其國朝廷
乃遣使護送歸其境季犛伏兵殺之并殺使者
上遂命征夷將軍成國公朱能副將張輔沐晟等
往討之能道卒輔至其地生擒季犛及奩等獻俘
于朝詔求陳氏後立之國咸稱季犛殺盡無可
繼承僉請復古郡縣遂立交趾都布按三司置府
十七州四十有七縣百五十七衛諸司皆備焉昔
永樂六年春也尋復叛

占城老撾國

元詩人陳孚出使安南有紀事之詩曰鼻飲如瓠
頭飛似轆轤盖言土人能鼻飲者有頭能夜飛於
海食魚曉復歸身予見羸蟲集中所載老撾國人
鼻飲水漿頭飛食魚昨見星槎勝覽亦言占城國
人有頭飛者乃婦人也夜飛食人糞夫知而固封
其項或移其身則死矣占城正接安南之南而老
撾正接安南西北信陳詩之不誣也

安南試錄

余在儀部得閱安南所進鄉試錄稱承宣使阮公正

參議陶正卿洪德二年辛卯秋八月集管內士試
之制分四場一四書五經義二制詔表三詩賦四
策列所取七人曰阮甘吳子盈范頌黃綸劉汝虞
武敬武德清前叙海東府雲長州知州范托後敘
海東府萬寧州知州黎化策中稱 聖朝啟運
太祖高皇帝以天錫智勇之資躬億兆君師之任
首設明經之科以求鴻碩之彥其規模洪遠矣
文皇帝克詰兵戎鼎新科目文武並用各適其昔
皇帝聖神文武奮發有爲敷賁前功規恢盛治
科舉旣已舉行文武又以並用則我 列聖德化

被於海外者可徵也

雲南

雲南上世無可稽攷按華陽國志楚威王遣莊躡畧
地巴黔伐夜郎自牂牁西至滇池會秦奪楚黔中
地不得歸遂留王滇池雲南通中國自此始漢武
帝開楚道通西南夷元狩元年使呂越人等求身
毒國至滇滇王留使者四歲使者還言滇大國可
伐滇今中慶是也元鼎五年發巴蜀罪人及八校
尉兵伐之南人震恐請置吏遂立越雋郡後諷滇
王入朝不聽元封二年發巴蜀兵征之滇王降以

滇爲益州地節二年復叛以金城司馬陳立爲牂
牁太守平之明帝永平元年諸部悉反以安漢侯
張翕討之渡蘭滄江置永昌郡以廣漢鄭純爲永
昌太守元初四年越雋反諸部皆應之諭益州刺
史張喬討之叛酋封離等詣喬陳叛亂之由乞降
喬厚加慰納奏長吏姦猾侵犯蠻夷者九十餘人
皆斬之三十六部聞之悉來內附

白人

白人有姓氏漢武帝開焚道通西南夷焚道今敘州
屬縣是也故中慶楚雄大理永昌皆焚人今轉爲

白人唐太和中蒙氏取邛戎雋三州遂入成都掠
子女玉帛數萬南歸雲南有纂組文綉自此始白
人語着衣曰衣衣吃飯曰咽羹茹樵采曰折薪帛
曰幕酒曰尊鞍鞞曰悼泥墻曰埽垣如此之類甚
多男女首戴笠製如中原漁人蒲笠差大編竹爲
之覆以黑氊別無拜跪惟取次以爲禮男子披氊
椎髻女人不施脂粉酥澤其髮以青紗分編繞首
盤髻裹以攢頂黑巾耳帶金環象牙圈纏臂衣綉
方幅以半身紬氊爲上服處子孀婦出入無禁年
少子弟號曰妙子暮夜游行或吹蘆笙或作歌曲

穀韻之中皆寄情意情通私偶然後成婚居室多
回簷如殿制食貴生如豬羊鷄鵝皆生醢之和以
蒜泥而食每歲以臘月二十四日祀祖如中州上
巳之禮又十四日通夕以松竿縛火烟光照天小
兒各持松明火相燒爲戲謂之驅禳佛教甚盛戒
律精嚴者名得道俗甚重之有家室者名師僧教
童子多讀佛書少有知六經者段氏而上選官置
吏皆出此輩民宦俗家無貧富皆有佛堂旦夕擊
鐘槌鼓參禮少長手不釋念珠一年之中齋戒幾
半諸衆蠻夷剛愎嗜殺骨肉之間一言不合則白

刃相刺不知事神佛若梟獍然惟白人事佛甚謹
故殺心差少其俊秀者頗能書有晉人筆意蠻史
云保和中遣張志誠學書於唐故雲南重王義之
不知尊孔孟也胡元收附後分置路府詔所在立
文廟蠻目爲漢佛市井謂之街子午前聚集抵暮
而罷交易用貝子人歿浴尸束縛令坐棺如方匱
擊銅鼓送喪以剪髮爲孝哭聲如歌而不哀旣焚
以瓶盛其骨而葬冬夏無寒暑四時有花卉不絕
多水田謂五畝爲一雙山明水秀亞於江南麻麥
蔬果頗同中國其稱呼國主曰嚧信太子曰坦綽

諸王曰信苴相國曰布變文字之職曰清平官其
貴人披服畧如漢制

羅羅

羅羅即烏蠻也男子椎髻摘去鬚髯或髡其髮左右
佩雙刀喜鬪好殺父子兄弟之間一言不相合則
兵刃相加自以輕死爲勇馬貴折尾鞍無鞞剡木
爲蹬如魚口微容足指女人披髮黑布衣貴者錦
緣飾賤者披羊皮乘馬則並足橫坐室女耳穿大
環剪髮齊眉裙不過膝男女無貴賤皆披羶跣足
面經年不洗夫婦之禮晝不相見夜則同寢子生

未十歲不得見其父妻妾不相妬忌雖貴牀無羶
褥松花鋪地唯一羶一席而已嫁娶尚舊家無可
匹者方許別娶有疾不識醫藥惟用男巫號曰大
奚婆以鷄骨占吉凶酋長左右斯須不可闕事無
巨細皆決之凡娶婦必先與大奚通道次則諸房
昆弟皆喜之謂之和睦後方夫婦成婚昆弟有一
人不如此者則爲不義及相爲惡正妻曰耐德非
耐德所生不得繼父之位若耐德無子或有子未
及娶而死者則爲娶妻諸人皆得亂有所生則爲
已死之人男女如酋長無繼嗣則立妻女爲酋長

婦人無女侍側惟男子十數奉于左右皆私之酋
長歿以豹皮裹尸而焚葬其骨於山非骨肉莫知
其處葬畢用七寶偶人藏之高樓盜取鄰境貴人
之首以祭如不得則不能祭祀時親戚畢至宰殺
牛羊動以千數少者不下數百每歲以臘月爲春
節豎以長竿橫設一木左右各置一人以互相起
落爲戲多養義士名苴可厚贍之遇戰鬥視歿如
歸善造堅甲利刃有價值數千者亦有標鎗勁努
置毒矢末沾血立歿自順元曲靖烏蒙烏撒越嶲
皆此

爨人

爨氏出楚令尹子文之後受姓班氏西漢末食河南
爨邑因以爲氏爲鎮蠻校尉寧州刺史晉成帝以
爨深爲興古太守自後爨璜爨震相繼不絕唐開
元初以爨歸王爲南寧州都督理石城即今曲靖
是也爨人之名原此然今日白人爲白爨羅羅大
德六年東京脫脫平章平越嶺之叛親見射死一
人有尾長三寸許詢之士人謂此等開或有之年
老者往往化爲虎去

金齒白夷

金齒百夷記識無文字刻木爲約酋長死非其子孫自立者衆共擊之男子文身去髭鬚髮眉以赤白土傅面綵繒束髮衣赤黑衣躡繡履帶鏡呼痛之聲曰阿也餘絕類中國優人不事稼穡惟護養小兒天寶中隨爨歸王入朝于唐今之爨弄實原于此婦人去眉睫不施脂粉髮分爲髻衣文繡衣聯綴珂貝爲飾盡力農事勤苦不輟及產之日方得少暇既產即抱子浴於江歸付其父動作如故至於鷄亦甫卵而雄伏之風土下濕土熱多起竹樓居于瀕江一月十浴有疾不服藥餌惟以姜鹽注

鼻中以檳榔蛤灰服萋葉奉賓客少馬多牛鷄將帥無統畧有仇隙互相戕賊遇破敵斬首置于樓下軍校畢集結束甚武髻插雉尾手執兵戈繞俘馘而舞仍殺鷄祭之使巫祝之曰爾酋長人民速來歸我祭畢論功明賞罰飲酒作樂而罷攻城破柵不殺其主全家逐去不然囚之至死嫁娶不分宗族處女淫亂同狗彘女子紅帕縛首餘髮下垂未嫁而死者所通之男子持一幡相送至百人爲絕靈父母哭曰女愛者衆何期天逝交易五日一集旦則婦女爲市以氈布茶鹽互相貿易地多桑

柘四肯皆布蚕桑金裹兩齒又有漆其齒者謂漆齒蠻文其面者謂綉面蠻亦有綉其足者謂之花脚蠻綵繒前撮其髮者謂之花鈿蠻西蠻之蠻百夷最盛北有吐蕃南有交趾風俗大槩相同

末些蠻

末些蠻在大理北與吐蕃接界臨金沙江地多羊馬及麝香名缺依江附險酋寨星列不相統攝善獵挾短刀以琿槩爲飾少不如意爲擊鉦鼓相仇殺兩家婦人中間和解之乃罷婦人披檀皂衣跣足高髻女子剪髮齊眉以毛繩爲裙裸露不以爲耻

旣嫁則易之淫亂無禁忌不事神佛惟五月五日登山祭天極嚴潔男女動百數各執其手圍旋歌舞以爲樂俗甚儉約疎薄貧家塩外不知別味有力者尊敬官長每冬日宰殺牛羊競相邀請無虛日一客不至則爲深耻人死則以竹箐舁至山川無棺槨貴賤皆焚一所不收其骨非命死者則別焚之其餘頗與烏蠻同

土獠蠻

土獠蠻叙州南烏蒙北皆是男子及十四五則左右擊去兩齒然後婚娶無匙筋手搏餅而食之足躡

高屨上下山坡如奔鹿婦人跣足高髻樺皮爲冠
耳墜大雙環衣黑布衣項帶鎖牌以爲飾出入林
麓望之宛如狼狽人死則以棺木盛之置于千仞
巔崖之上以先墮者爲吉山田薄少水畊火種所
收懸於艸棚之下日旋搗而食多以采荔枝販茶
爲業云

野蠻

野蠻在尋傳以西散居崑谷無衣服以木皮蔽體形
貌醜惡男少女多一夫有十數妻者持木弓以禦
侵暴不事農畝入山林采艸木及動物而食食無
器皿以芭蕉葉藉之

蒲蠻

蒲蠻一名揲手蠻在蘭滄江迤西惟勇健專爲盜賊
騎馬不用鞍跣足衣短甲膝脛皆露善用鎗弩首
插雉尾馳突如飛

羈縻之俗

羈縻州洞隸邕州左右江者爲多舊有四道安平武
勒思浪九源四州皆儂姓又有四道安德歸樂路
城田州皆黃姓又有五侯延中石門感德四鎮之
民自唐以來內附分析其種落大者爲州小者爲

縣穴者爲洞 國朝開拓浸廣州縣洞五十餘所
推其雄長者爲首領籍其民爲壯丁其人物獷悍
風俗荒怪不可以中國教法繩治姑羈之而已有
知州權州監州知縣知洞其次同發遣權發遣之
屬謂之至戶餘名稱提控尤言百姓也酋豪或娶
數妻皆曰媚婦其田計口給民不得典賣惟自開
荒者由已謂之祖分業口分田知州別得養印田
猶圭田也權州以下無印記者得蔭免田各服屬
其民又以攻奪剽掠及博賣嫁娶所生男女相配
給田使耕教以武技世世隸屬謂之家奴亦曰家

丁民戶強壯可效勤者謂之田子甲亦曰馬前牌
搃謂之洞丁

徭

徭本五溪盤瓠之後其壤接廣右者靜江之興安義
寧古田融水懷遠縣界皆有之生深山重溪中椎
髻跣足不供征役各以其遠近爲伍

獠

獠在右江溪洞之外俗謂之山獠依山林而居無酋
長版籍蠻之荒忽無常者以射生而活蟲能蠕動
者皆取食之無年甲姓名一村中推有力爲首曰

郎火餘但稱火舊傳其類有飛頭鑿齒鼻飲白衫
花面赤視之屬二十一種今右江西南一帶甚多
獠民好爲蜜唧唧鼠胎未瞬通身赤蠕者飼之以
蜜釘之筵上囁囁而行以筋挾取咬之唧唧作聲
故曰蜜唧唧

黎人

島之中有黎毋山諸蠻環居四傍號黎人山極高常
在霧靄中海氛清朗時或見翠光浮半空蠻皆椎
髻跣足插銀銅錫釵婦人加銅環耳墜垂肩女及
笄即刺頰爲細花紋謂之綉面女旣黥集親客相
慶賀惟婢獲則不綉面四郡之人多黎姓蓋其裔
族今黎人乃多姓王

海蜃

蜃海上水居蠻也以舟楫爲家采海物爲生且生食
之入水能視合浦珠池蚌蛤惟蜃能投水採取旁
人以繩繫其腰繩動則引而上先炙毳袖熱出水
急覆之不然寒慄以死或遇大魚蛟鼉諸怪爲鬚
鬣所觸往往潰腹折肢人見血一縷浮水面知蜃
死矣

溪蠻

五溪之蠻皆槃瓠種也聚落區分名隨以異據其故
壤環四封而居者今有五曰徭曰苗曰獯曰狠
曰狠風聲氣習大畧相侶不巾不履言語服食率
異乎人 木段以爲符契長短大小不等穴其旁
多至十數各志其事專持以出官名木契 出入
坐卧必以刀自隨小者尤銛利名狠黨其酒以火
盛而成不釀不芻兩缶西東以藤吸取名爲釣藤
酒 花狠各無絲揉茆花絮之布中一被數幅聯
貫山徭皆臥板夜燃以火視徭則爲富矣名爲茆
花被 裙幅兩頭縫穿自足而入爛斑厚重下一

段純以紅范史所謂獨力衣恐是也盖裸袒以裙
代袴雖盛暑不去去則犯鬼名狠狠裙 潘安仁

笙賦曲沃懸匏汶陽孤篠皆笙之材蠻地所吹葫
蘆亦匏餘意但列管六與說文十三簧不同耳名
葫蘆笙 花之紫者全類燕子生於藤枝上數葩
名燕子花 蠻女以織帶束髮狀如經帶不闌者

斑也俚俗反切語謂團爲突欒孔爲窟籠即此意
名不闌帶 麻陽山生有肉翅而赤者形如蝙蝠
大如野狸婦人就蓐多藉其皮此即鼯鼠也名飛
生 蠻地多古銅有銅柱馬希範所立麻陽有銅

蓋安江水中掘地得大鐘長嘴三十六乳約重百餘斤今入天慶觀併有銅像二相傳唐明皇像銅鼓尤多其文環以甲士中空無底名錦鼓以牛羊腸藏水中畧擺洗臭不可近羹以饗客食之既則大喜嶺表錄異曰交趾重不錄羹先鼻引其汁名不乃羹了桑味苦葉小分三又蠶所不食狔狔取皮績布繫之於腰甕以代機紅緯回環通不過丈餘名圈布土俗歲節數日野外男女分兩棚以五色絲囊豆粟往來拋擲名飛純鼓之節不一有暗箭鼓有集人鼓有犒設鼓客至留飯亦

以此遠近隊中聽以爲準酒酣少有參商則鼓聲隨變終席無它者名客鼓狔狔之富多以白金象形或以酒滕或以牛角皆常所識者鷓鴣之狀尤多宴飲盛列以誇客飲器名銀鷓鴣戰鬪出入羣聚發喊以張聲勢名曰鷓鴣號狔狔以鬼禁所居不着地雖酋長之富屋宇之多亦去地數尺以巨木排立如省民羊柵杉葉覆屋名羊棲狔狔比狔狔則妄自尊大歲時旦望或客至皆打衙主盟其事者爲像公又其次名左右押衙習俗死亾群聚歌舞輒聯手蹋地爲節喪家椎牛多

釀以待名踏歌 或為傭而亾或以姻而死約牛
 牲若干償之名骨價 狎狯之受犒者如熟戶之
 徭既納誓聽命令縱其出入省地州縣差人管轄
 或許自推服名曰賣首 山徭穴居野處雖屋之
 以庇風雨不過剪茆又木深依巖谷舍錐鍋之外
 無有也名曰打寮 婚娶媒聘以銅與鹽山徭至
 端午約於陂上相携而歸名馳親馳親之後年歲
 生子引妻攜酒歸見婦家名曰出面 蠻鄉最重
 端午不論生熟界出觀競渡三日而歸既望復出
 謂之大十五船分五色皂船之神尤惡來去必有

風雨一月前眾船下水飲食男女不敢共處弔屈
 原正楚俗也名曰爬船

狗國

陵州刺史周遇嘗語劉恂云頃年自青社之海歸閩
 遭惡風飄五日夜不知行幾千里凡歷六國第一
 狗國如人裸形又經毛人國形小皆披髮面身有
 毛蔽如狢又到野又國有數人同入深林采野蔬
 忽為野又所逐一人被擒餘驚走回顧見數輩野
 又同食所得之人頃刻有百餘野又皆赤髮裸形
 呀口怒目而至有執木鎗者有雌而挾子者篙工

賈客五十餘人遂以弓弩射之射倒二野又即昇
拽鳴嘯而遁又經大人國其人悉長大而野見船
上鼓噪即驚走不出又經流虬國其國人么麼一
槩皆服麻布而有禮競將食物求易釘鉄新羅客
半譯其語遣客速過言此國遇華人飄汎至者必
有災禍既而又行經小人國其人裸形小如五六
歲兒船人食盡遂相率尋其巢穴俄頃果見捕得
三四十枚以歸烹而充食後行兩日遇一洲島取
水忽有羣羊見人但聳視都不驚避既肥且偉初
疑島上有人牧養而又絕無人踪捕之僅獲百口

皆食之

出嶺表
錄異

南海人

南海男子女人皆緝髮每沐以灰投流水中就水以
沐以凝膏塗其髮至五六月稻禾熟民盡髡鬻於
市既髡復取凝膏塗之來歲五六月又可鬻解
牛多女人謂之屠婆屠娘皆縛牛于大木執刀以
數罪其豈牽若耕不得前某豈乘若渡水不得行
今何以免死耶以策舉頸揮刀斬之貧民妻方
孕則詣富室指腹以賣之俗謂指腹賣或已子未
勝衣隣之子稍可賣往貸以鬻折杖以識其短長

侯已子長與杖等即償貸者鬻男女如糞壤父子
兩不戚戚出南海異事

獠婦

南方有獠婦生子便起其夫臥牀褥飲食皆如乳婦
稍不衛護其孕婦疾皆生焉其妻亦無所苦炊爨
樵蘇自若又云越俗妻或誕子經三日便澡身于
溪河返具糜以餉壻壻擁衾抱雛坐于寢榻稱為
產翁其顛倒如此出南楚新聞

番禺

廣州番禺縣常有部民謀訴云前夜亡失疏圃今認

得在于某處請縣宰判狀往取之有北客駭其說
因詰之民云海之淺水中有藻荇之屬被風吹沙
與藻荇相雜其根既浮其沙或厚三五尺處可以
耕墾或灌或圃故也夜則被盜者盜之百餘里外
若桴楫之乘流也以是植蔬者海上往往有之出玉

堂聞記

百越

百越人好食蝦蟆凡有筵會斯為上味先於釜中置
水次下小芋烹之候湯沸如魚眼即下其蛙乃一
一捧芋而熟如此呼為抱芋羹又或先于湯內安

笋筍後投蛙及進于筵上皆抱笋筍瞪目張口而
座有客戲之曰賣燈心者又云疥皮者最佳擲于
沸湯即躍出其皮自脫矣皮既脫乃可以脩饌時
有一叟聞茲語大以為不可云切不得除此錦袄
子其味絕珍聞之者莫不大笑

出南楚新聞

馬留

馬伏波有餘兵十家不返居壽洽縣自相婚姻有二
百戶以其流寓號為馬留衣食與華同山川移易
銅柱入海正以此民為識

諸蠻土風

諸土官風俗飲酒燕遊起居甚為可鄙其飲食烹飪
與華人不類虵鼠百脚蚯蚓蜻蜒皆以登饌更喜
木蠹白大者為上品又牛羊脾上黑膜焙研雜以
椒鹽蘸食諸肉婦人不纏足不穿耳衣裙至十數
幅甚長曳地尺餘以多為禮衫甚短髻用髮挽成
大與頭等上着笠笠上飾以珠翠金寶性甚淫亂

岑猛跋扈

岑猛云漢岑彭之後其人豪猾狼鷲好殺恃人馬財
粟之盛故恒不法無禮總府差官往彼調兵至一
二月不出承命之人飲氣不敢出一言蓋恐其家

毒中傷之也各土官畏其強禦有調不敢輒出
伺彼動靜以爲行止其跋扈不恭如此正德間發
人馬十餘萬掠龍州知州皆逃匿劫去金寶鉅萬
殺擄男婦無算弘治間其族有岑浚者爲思恩知
府亦不法無狀卒至勦滅

槃瓠

辰州盧溪縣西有武山高可萬仞山半有槃瓠石室
可容數萬人中有石牀槃瓠行跡今案山窟前有
石羊石獸古跡奇異尤多望石窟大如三間屋遙
見一石仍似狗形蠻俗相傳云是槃瓠象也

黃門
武陵

記今其中種有四一曰七村歸明戶起居飲食類
省民但左衽二曰施溪武源歸明蠻人三曰山獠
四曰玃獠雖自爲區別而衣服趨向大畧相若土
俗以歲七月二十五日種類四集扶老攜幼宿於
廟下五日祠以牛羃酒饅椎鼓踏歌謂之樣惟不
用犬云

出辰陽
圖經

裨史彙編卷之十四

釋史彙編卷之十五

海右閔民王圻纂集

地理門

夷方類西南夷

真臘

按諸番志稱真臘地廣千七百里其國北抵占城半月路西南距暹半月程南距禺千里其東則大海也舊為通商來往之國其國宮及官舍府第皆面東其正室之瓦以鉛為之餘皆土瓦內中有金塔國主夜則卧其下土人皆謂塔中有九頭虵精乃

真臘

真臘

一國土地主也係女身每夜則見國王與妻妾同
睡若此精一夜不見則番王死期至矣其次則國
戚大臣等屋制度與廣袤常人家迥別周迴草蓋
獨家廟正寢用瓦各隨其家等級爲屋室廣狹百
姓家止用草蓋廣狹隨其家貧富然不敢効府第
制度國王以下男女皆椎髻袒裼以布圍腰出入
加以大布一條纏于小布上布亦有等級國王所
用之布有直金三四兩者徑其華美國中雖自織
布暹中及占城皆有來者惟西洋來者爲上國王
獨用純花布頭戴金冠不時但以線穿香花如

茉莉之類周匝於髻間項上帶大珠牌三五片手
足及指皆帶金鐲指展皆以貓兒眼手足掌以紅
藥染色出則手持金劍百以惟婦女染手足掌男
子不敢大臣國戚用素花布官人用兩頭花布百
姓惟婦女可用之新唐人雖用兩頭花布亦不敢
罪以其不識體例也國中亦有丞相將帥司天等
官亦設司吏之屬但名稱不同耳大率皆國戚爲
之亦納女爲嬪出入儀從各有等級用金轎扛四
金傘柄者爲上以次遞降有用銀轎扛者金傘柄
以上官皆呼爲巴丁或呼暗丁銀傘柄者呼爲廝

辣的傘皆以中國紅絹爲之其裙直拖地油傘以
綵絹爲之裙幅差短爲儒者呼爲班詰爲僧者呼
爲苧姑爲道者呼爲八思班詰不知其所祖用布
之外項上掛白線一條以別其爲儒由班詰入仕
者則爲高尚之人項上之線終身不去苧姑削髮
穿黃編袒右肩其下則繫黃布裙跣足寺亦許用
瓦蓋中止有一像如釋迦佛之狀呼爲苧賴穿紅
塑以泥飾以丹青外別無像塔中佛像又別以銅
鑄成無鐘磬鏡鈸幢幡寶蓋之類僧皆茹魚肉惟
不飲酒供佛亦用魚肉每日一齋皆取辨齋王家

寺中不設厨竈所誦經甚多皆貝葉疊成極其齊
整上寫黑字不用筆墨不知何物僧亦用金銀轎
扛傘柄者國主有大政事則亦咨訪之却無尼姑
八思惟如常人用布之外於頭上帶一紅布或白
布如韃靼娘子畧姑之狀而略低亦有宮觀但比
之寺院較狹道教不如僧教之盛所供別無像但
一塊石如中國社壇中石耳有女道士宮觀亦用
瓦八思不飲酒不見其誦經及與人功果之事俗
之小兒入學者先就僧家教習長而還俗人物居
海島及尋常閭巷間者醜而黑官人及南棚婦人

多白如玉南棚乃府第也大抵一布纏腰之外不分男女皆露胸椎髻跣足雖國王之妻亦然國主凡五妻正室一人四方四人其下嬪妾之屬三千餘亦分等級凡人家有女美貌必召入內其供內中出入之役者呼爲陳家蘭不下一二千皆有丈夫與民間雜處顛前去髮塗銀硃於兩鬢旁惟此婦可入內餘不得入尋常婦女椎髻之外別無釵梳等飾但臂帶金鐲指帶金展人家奴婢皆買野人以克其役多者百餘少者一二俗呼爲獐賊少壯者一枚可直百布老弱者止三四十布呼主人

爲巴駝主母爲米巴駝者父也米者母也以一爲拇二爲別三爲甲四爲般五爲孛藍六爲孛藍拇七爲孛藍別八爲孛藍甲九爲孛藍般十爲答叔伯亦呼爲巴駝姑姨媵姆以至隣人之尊年者亦呼爲米呼兄姊爲邦呼母及妹爲補温呼舅爲乞賴姑夫姊夫妹夫亦呼爲乞賴呼中國爲備世若官府則有官府之議論秀才則有秀才之文談僧道之語言城市村落之人言語自不同尋常文字及官府文書皆以麂鹿等皮染黑隨其大小濶狹以意裁之用一等粉如中國白塔粉之類搓爲小

條子其名爲梭拈于手中就皮畫以成字永不脫落用畢則插于耳上筆跡亦能辨認爲何人書寫大率字樣如回鶻凡文書皆自後書向前却不自上書下也正朔用中國十月爲正月是月也名爲佳得當國宮前縛一大棚上可容千餘人盡挂燈毬花朵之屬其對岸遠二三十丈地則以木接續縛成高棚如造塔樣竿之狀可高二三十餘丈每夜或設三四座五六座裝烟火爆杖于其上皆諸屬郡及諸府第認直遇夜請國王出觀點燈放爆百里之外火光遠焰爆聲大振官宦富貴之屬每人

分巨燭棋柳所費甚夥如是者半月而止每一月必有一事如四月則陣毯九月則壓獵獵者聚一

國之象皆來城中教閱于宮前五月則迎佛水聚一國之佛皆送水來與國王洗身陸地行舟國王登樓以觀正月則燒稻其時新稻熟迎於南門外燒之以供佛八月則挨藍挨藍者舞也點差伎樂每日就國宮內挨藍且鬪猪鬪象如是者一月國人亦有通天文者日月薄蝕皆能推筭一夜八更每七日一輪亦如中國所謂開閉建除之類番人旣無名姓亦不記生日多有以所生日子爲名有

兩日晁吉三日平平五日晁凶何日可出東方何
日可出西方雖嬭女皆能笑之十二生屬亦與中
國同但所呼之名不同耳如以馬爲卜賽呼雞爲
蠻呼猪爲直廬呼牛爲個之類是也民間爭訟雖
小事必上聞國王初無笞杖之屬但罰金而已其
有大逆重罪亦無絞斬止於西門外掘地成坑縛
罪人納于坑中實以土石堅築活埋而罷其次有
斬手足指有去鼻者人或死于門首則拖置城外
野地初無體究檢驗之事獲盜自施監禁拷打之
刑人或失物疑其爲盜不肯招認以鍋子煎油令

沸使伸手其中若果偷物則手腐爛否則皮肉如
故又有兩家爭訟莫辨曲直國宮對岸有石塔十
二座令二人各坐一塔中塔之外二家親屬互相
隄防或坐一二日或三四日無理者必獲証候而
出或身生瘡癩或咳嗽發熱之類有理者略無恙
以此剖析曲直謂之天獄蓋其土神之靈如此國
人有病多入水澡浴及頻洗頭便痊可然多有病
癩者雖與同卧亦不忌聞土人好色交感畢男女
皆入水澡洗故成此疾痢者十死八九貨藥於市
者與中國之藥不類不知其爲何物更有一等師

巫之屬與行持尤爲可笑人死無棺其喪也亦用
旗幟鼓樂之屬又以兩盤盛炒米繞路拋撒至城
外僻遠無人之地棄擲而去俟有烏鳶六畜來食
頃刻而盡則謂父母有福故獲此報若不食或食
而不盡反謂父母獲罪而至此今亦漸有焚化者
皆唐人遺種也畊種一歲中可三四畝收種蓋四
時常如五六月天無霜雪故也自四月至九月每
日下雨十月至三月點雨絕無畊者指至何時苗
熟何時水可泮至何處隨其地而播種之亦先用
耒耨鎌鉏之器又有一等野田不種常生水高一

丈而種亦與之俱高想別一種也出產有翠毛象
牙犀角黃蠟降香豆蔻黃紫梗大楓子翡翠自林
中飛出求魚畚人以樹葉蔽體坐水濱籠一雌以
誘之手持小網伺其來則罩之有終日止獲三五
枚或有不得者象牙則山僻人家有之每一象死
方有牙舊傳謂每一歲換牙者非也其牙以標而
殺之者爲上自死而隨時爲人所收者次之死在
山中多年者斯爲下矣黃蠟出于村落朽樹間其
一種細蜂有如螞蟻者畚人取而得之每一缸可
收二三千塊每一塊大者三十四五斤小者不下

十八九斤犀角白而帶花者爲上黑爲下降真生
藜林中番人頗費斫伐之勞蓋此乃樹心耳其外
白木可厚八九寸少亦不下四五寸豆蔻皆野人
山上所種黃紫梗乃一等樹間之脂番人先一年
以刀斫樹滴瀝其脂至次年而始收紫梗生於一
等樹之間正如桑寄生之狀亦頗難得大楓油子
乃大樹之子狀如柳子而圓中有子數十枚胡椒
間亦有之纏藤而生其生而青者更辣國中買賣
皆婦人能之唐人到彼先納一婦人者利其能買
賣故也每日一墟自卯至酉卽罷無舖店但以蓬

蓆之物鋪於地間各有常處聞亦納官司賃地錢
小交關則用米谷及唐貨次則用布大交關則用
金銀矣往年土人最朴見唐人頗加敬畏呼之爲
佛見則伏地頂禮今亦有脫騙欺負唐人者矣酒
有四等第一等唐人呼爲蜜糖酒用藥麴與蜜及
水中半爲之其次土人呼爲朋牙四以樹葉爲之
又其次如米或以剩飯爲之名曰包稜角包稜角
者米也其下有糖鑑酒以糖爲之又入港濱水人
有菱漿酒蓋一等菱葉生於水濱其漿可釀酒曆
法若國中閏歲則彼亦置閏但只閏九月秦時以

十月為歲首當閏之歲無問何月率歸餘於歲終為後九月漢初亦襲用之至政和間始改豈真蠟置曆亦若漢初之循用秦法耶 唐人之為水手者利其國中着衣裳且糧米易贍婦女易得屋室易辦器用易足買賣易為往往皆有逸逸於彼者

巴刺西

正德辛未歲巴刺西國遣使臣沙地白入貢言其國在南海甚遠始領其王命行凡十餘年繼附番人柰林船入廣其所貢木匣六枚內金葉表文祖母綠一塊珊瑚樹四株玻瓈瓶四把玻瓈盞四箇及

馬腦珠胡里丹

永順

永順宣撫司去辰州五日其酋聽事所名底把簷柱插階下故屋甚遠邃俱自中柱分夾之底把後為通把用事者所居次後為闡者所居次後為老婦人守門聽役使者所居老婦人居後為大八房皆酋嬖寵所居每房長一人名罷把者二人又二人為洒掃烹飪餘房等是八房後始為正室其正妻亦有二三人凡子生即令頭目乳字或欲視子方令頭目抱至老婦人所酋與子生母出視泊子長

娶婦乃別爲室居諸房嬖寵惟事織錦苜蓿居第外有宅統蓄流寓諸娼苜蓿宴集命出供笑譚苜蓿所轄各寨只納谷但其地多旱鮮收遇歛獲時苜蓿命通把頭日來守徵如一處額徵八百石預令本處出財力蓋倉以五百石貯倉內三百石運歸苜蓿家值年凶者令下具狀貸穀多少隨意次年償官每石加息穀一升如仍凶又於當年貯者貸去至三年始償官傳有一士頗善書浪遊至其地書陳情出師一表苜蓿酬以二百金

竹王

夜郎縣者西南遠夷國名也其先有女子浣紗忽三節竹流入足間聞其中有號聲剖竹視之得一男歸而養之及長有武略自立爲夜郎侯以竹爲姓漢武帝元鼎六年征西南夷改爲牂牁郡夜郎侯迎降天子賜以玉印綬後卒夷獠以竹王非血氣所生衆爲立廟今夜郎縣有竹王神是也

九隆

有婦人名沙壹居于牢山捕魚水中觸沉木若有感因懷孕產十子後沉木化龍出水九子驚走一子不能去背龍而坐龍因撫之其母鳥語謂背爲九

謂坐爲隆因名爲九隆乃長諸兄遂相其推九隆
爲王後牢山下有一夫一婦生十女九隆皆以爲
妻遂因孳育九隆死世世不與中國通

占城國

永樂七年己丑上命正使太監鄭和等統領官兵
二萬七千餘人駕使海船四十八號往諸番國
開讀賞賜是歲秋九月自太倉劉家港開船十月
至福建長樂太平港泊十二月福建五虎開洋張
十二帆順風十晝夜至占城臨海有港口新洲西
抵交趾北連中國海船到彼其酋長頭戴三山金

花冠身被錦花手巾臂腿四腕俱以金鑄足穿玳
瑁履腰束八寶方帶如妝塑金剛狀乘象前護擁
隨番兵五百餘或執鋒刃短鎗或舞皮牌槌鼓善
吹柳笛殼筒其國所產巨象犀牛甚多所以象牙
犀角廣貿別國棋南香一山所產酋長差人看守
採取如有私偷賣者露犯則斷其手烏木降香民
下樵而爲薪氣候常熱如夏不見霜雪草木長青
隨開隨謝民煮海爲鹽田禾甚薄其國之人惟楨
榔裹萋葉包蠟殼灰食之行住坐卧不絕于口其
日月之期但看月生爲初月晦爲滿如此十次盈

虧爲一歲晝夜以槌鼓十更爲法酋長及民下非
至午不起非至子不睡見月則飲酒歌舞爲樂酋
長所居高廣屋宇門墻以磚灰甃砌及堅硬之木
雕琢獸畜之形爲華飾外週磚垣亦有城郭之備
練兵之具藥鏃刀標之屬其部領亦分等第門高
有限民下編茅覆屋門不過三尺過者卽罪之一
國之食魚生不腐爛不食釀不生蛆不爲美造酒
以米和藥丸持入甕中封固如法收藏日久其糟
生蛆爲佳醞他日開封用長節竹筴三四尺插入
糟瓮內或團坐五人十人量人入水多寡輪次吸

竹則酒入口吸盡再入水若無味則止有味封罨
再飲歲時縱人採生人膽鬻官其酋長或部領得
膽入酒中與家人同飲又以浴身謂之曰通身是
膽男女椎髻腦後花布纏頭上穿短布衫腰圍色
布手巾其國無紙筆之具但將羊皮搥薄薰黑削
細竹爲筆蘸白灰爲字若蚯蚓之狀語言燕鴉全
憑通事傳譯

賓童龍國

其國與占城山地接連有雙溪澗水澄清佛書所云
舍衛乞食卽其地也目連所居遺趾尚存人物風

土草木氣候與占城大同小異酋長出入或象或馬一如占城王從者前後百餘人執盾讚唱曰亞曰僕地產棋楠香象牙貨用金銀花布之屬民下編茅覆屋而居亦如占城

靈山

其處峻嶺而方有泉下繞如帶民居星散結網爲業田土肥美一歲二收氣候之節男女之規與占城大同小異地產黑紋相對藤杖每條易斗錫一塊若麓大而紋疎者一錫易杖三條次有栴柳萋葉無異物所產其往來販舶必於此汲水採薪以濟

日用舶人齋沐三日崇佛諷經燃放水燈綵船以禳人船之災

交欄山

自古城靈山起程順風十晝夜可到

其山高而叢林藤竹舵桿桅檣蓬箬無所不備胡元之時命將高興史弼領兵萬衆駕巨舶往闍婆國遭風至於交欄山下其船多損隨登此山造船百號復征闍婆得勝擒其酋長中國是此知之至今民居有義中國人雜處蓋此時有病卒百餘留養不歸相傳此其生育也氣候常暑米穀稀少民好射獵爲業男女椎髻穿短衫繫巫崙布地產豹熊

鹿皮玳瑁貿易之貨用米穀五色絹青皮銅器青
碗之屬

瓜哇國

自占城起程順風
二十晝夜可至

古名闍婆地廣人稠甲兵器械爲東洋諸番之衝要
舊傳鬼子魔天王於此地與一罔象青面紅身赤
鬚相合凡生子百餘嘗食啖人血肉佛書所云鬼
國其中只此地也人被啖盡忽一日雷震石裂中
坐一人衆稱異之遂爲國王卽領兵驅逐罔象始
不爲害後復生齒安業其國富饒珍珠金寶鴉鶻
貓睛青紅等石瑇瑁瑪瑙荳蔻草檳榔子紅花木

香青鹽無所不有蓋在通商之處也民俗好兜彊
但生子一歲則置刀於背名曰不刺頭以金銀象
牙雕刻爲靶凡男子自幼至老貧富皆有亦插於
腰間若男爭論不通罵詈卽拔刃刺之藏三日而
出卽無事矣男子裸頭裸身惟腰圍單布手巾能
飲酗酒重財輕命婦人亦然惟項上以金珠聯紉
帶之兩耳塞菱椀葉圈於竅中其喪事凡主翁死
婢妾之衆相對而誓曰死則同往臨殯之日妻妾
奴婢皆滿頭帶草花披五色手巾隨屍至海邊或
野地昇屍俾衆犬食食盡爲好如食不盡則悲歌

泣號積柴於傍衆婦坐其上良久乃縱火燒柴而死蓋殉葬之禮也蘇魯馬益亦一村地名也爲市聚貨商舶米糧港口有洲聚獠獠數百傳唐時其家五百餘口男婦兇惡忽一日有僧至其家言吉凶之事其僧取水喫之俱化爲獠猴止留其老嫗不化今存舊宅本處及商者常設飲食栴榔花菓肉類祭之不然則福禍甚有驗也杜板亦一村地名也在海灘有水一泓其淡可飲稱曰聖水元時使將史弼高興征其國經月不下雨舟中乏糧軍士失措史高二將拜天而祝插鎗醃苦海灘泉水

隨鎗湧出水味甘甜衆軍吸飲喊聲奮殺番兵百萬餘悉皆敗走生擒番人煮而食之至今稱中國能食人獲酋長歸服罪放還改封爲瓜哇國王

刺撒國

其國倚海而居壘石爲城連山曠地草木不生牛羊駝馬皆食魚乾民俗頗淳氣候常熱田瘠少收唯麥略有數年無雨鑿井絞車牛皮袋水男女拳髮穿長衫婦人妝點堯頭與忽魯謨斯國同壘石築土爲屋三四層者其上厨爨東厠卧室待客其下奴僕居之地產龍涎香乳香千里駱駝貨用金銀

色段色絹磁器米穀胡椒之屬

蘇門答刺國

其國村落傍海田瘠少收胡椒廣產風俗頗淳民網魚爲生男子頭纏白布腰圍摺布婦女椎髻裸體腰圍色手巾其產鶴頂瓜茄橘柚酸甜之果一等瓜皮若荔枝未剖之時臭如爛蒜剖開味香美煮海爲鹽釀茭樟子爲酒貨用青白磁器銅錢金銀瓜哇布色絹之屬

花面國

其處與蘇門答刺國接境田足稻禾氣候不常風俗

淳厚男女大小皆以黑汁刺面爲花獸之狀裸頭裸體卑布圍腰孳生牛羊鷄鴨羅布強不奪弱上下自耕而食富不倚驕貧不生盜可爲一區之善地

龍牙犀角

其地內平而外尖民下蟻附而居之氣候常熱田禾勤熟俗尚淳厚男女椎髻圍麻遠布穿短衫以親戚尊長爲重一日不見則携酒持殽而問安煮海爲鹽釀秫爲酒地產沉香速香降真黃熟香鶴頂蜂蜜砂糖貨用土印布八都刺布青白磁器之屬

翠藍嶼

其山在龍涎之西北五晝夜可到大小有七門門中皆可過船傳聞釋迦佛經此山浴於水彼竊其袈裟佛誓云後有穿衣者必爛其皮肉由此男女削髮無衣止有樹葉紉結而遮前後米穀亦無惟在海網魚鰕及種芭蕉椰子爲食啖宣德七年壬子十月偶至此山泊繫三日夜山中之人駕獨木舟來貨椰實詢舟中男婦果如前言

錫蘭山國

其國地廣人稠貨物多聚亞於爪哇國有高山參天

山頂產青美藍石黃雅鶻石青紅寶石其海傍有珠簾沙常以網收螺蚌傾入珠池內作爛淘珠而貨海邊有盤石上印足跡長三尺許有水不乾稱爲先世釋迦佛從翠蘭嶼來登此岸足躡其跡至今爲聖跡山下有寺相傳釋迦佛涅槃真身在寺側尚存亦有舍利子在其寢處氣候常熱俗朴富饒米穀足收地產寶石珍珠龍涎乳香貨用金銀銅錢青花白磁色段色絹之屬男女纏頭穿長衫圍單布

小唎喃國

山連赤土地接下里日中爲市西洋諸國之馬頭也
本國流通使用金錢名倘伽數箇重八分小金錢
名吧喃四十箇准大金錢一箇以便民也田瘠而
穀少歲籍榜葛刺未足食氣候常熱風淳俗美男
少女多地產胡椒亞於下里貨用丁香豆蔻蘇木
色段麝香金銀銅器鉄線黑鉛之屬

東西竺

其山與龍牙門相望海洋中山形分對差峩若蓬萊
萬丈之幽田瘠不宜稼穡歲籍隣邦淡洋米穀以
爲食氣候不齊煮海爲鹽釀椰子爲酒男女斷髮

繫稍布地產栴榔木綿布蕉心簞貨用花錫胡椒
鐵器之屬

淡洋

其處與阿魯山相連去滿刺迦三日程山遶周圍有
港內通大溪汪洋二千餘里奔流出海中一流清
淡味甘舟人過往汲水日用名曰淡洋田肥禾盛
米粒小然炊飯甚香地產降香民俗淳厚氣候常
熱男女椎髻腰圍稍布貨用金銀鐵器磁碗之屬

龍牙菩提

周環背山石排壘門無田耕種但栽薯蕷代梁常收

堆以供歲月氣候多熱少寒俗朴而淳男女椎髻披木綿布煮海爲鹽以葶蔴根釀酒地產速香檳榔子貨用燒珠鉄鼎色布之屬

彭坑國

在暹羅西

石厓周匝崎嶇遠望山平如寨田沃米穀豐盛氣候常溫風俗尚怪刻香木爲神殺人血祭禱求福禳災男女椎髻穿長衫繫色布富家女子金圈四五飾于頂髮常人五色珠圈煮海爲鹽釀柳漿爲酒地產黃熟香沉香片腦花錫降香貨用金銀色絹瓜布銅鉄器鼓板之屬

麻逸國

在交欄山之西南海洋中山勢峻地平寬夾溪聚居氣候稍熱男女椎髻穿長衫圍色布手巾田多膏腴倍收他國俗尚節義夫喪則其婦削髮碎面絕食七日與夫屍同寢多與並逝者七日之外不死則親戚勸以飲食或得生命乃終身不再嫁或至焚夫屍日則赴火而死者煮海爲鹽釀蔗爲酒地產木綿黃蠟玳瑁檳榔花布貨用銅鼎鉄塊五色布絹之屬

渤泥國

龍山礚礚地宇橫廣源田種植豐登甚利氣候及夏
稍寒冬月極熱俗好奢侈男女椎髻五綵帛繫腰
花布為衫民崇佛像好齋沐唐人至其國甚愛敬
之路有醉者則扶歸寢宿禮待若故舊煮海為鹽
釀秫為酒酋長之用不飲民物生理自如地產降
香黃蠟玳瑁片腦貨用白銀赤金色段牙箱鐵器
之屬

蘇祿國

居東海之洋山塗田瘠種植稀薄民業網捕魚鰕生
啖螺蛤煮食男女斷髮頭纏皂纓腰圍水印花布
俗尚鄙陋煮海為鹽釀蔗為酒織竹布採真色白
絕品珠有徑寸者值七八百錠中者二三百錠永
樂十六年其酋長感慕 聖恩乃挈妻携子涉海
來朝進獻巨珠一顆重七兩五錢今古莫能有也
地產真珠降香黃臘玳瑁竹布貨用金銀八都刺
布青珠磁器鉄鈹之屬

大暎喃國

地與都欄礁相近厥土黑壤亦宜穀麥居民懶事耕
作歲籍烏爺之米供食風俗頗淳男女纏頭穿長
衫地產胡椒椰子魚栝榔貨用金錢青白花磁器

布段之屬

佐法兒國

臨海聚居石城石屋壘起高三五層者若塔其土廣田而少耕山地皆黃亦不生草木牛羊駝馬惟食魚乾男女拳髮穿長衫女人則以布兜頭面出見人不露面貌俗頗淳地產相刺法金錢豹駝鷄乳香龍涎香貨用金錢檀香米穀色段磁器之屬

木骨都束國

瀕海而居堆石爲城操兵習射俗尚鬻器強壘石爲屋四五層房屋厨廁待客俱於上男女拳髮四垂腰

圍稍布女髮盤黃漆光頭兩耳垂珞索數枚項帶銀圍瓔珞垂胸出則卑布兜遮青紗蔽面足履布鞋山連地廣赤土石不生草木田疇少收數年無雨穿井絞車牛皮袋水駝馬牛羊皆食海魚乾地產乳香金錢豹龍涎香貨用金銀色段檀香米穀磁器色絹之屬

溜洋

其中有溜山有錫羅山有三石門如城門溜山有八皆人聚居亦有王者其八處地產龍涎香乳香貨用金銀色段色絹磁器米穀之屬傳聞有三萬八

千餘溜山卽弱水三千之言也亦有人聚巢樹穴
居不識米穀但捕海中魚鰕而食裸形無衣惟結
皮樹葉遮前後若商船因風落溜人船俱不得復
矣

舊港國

舊港國者卽古三佛齊國其國多廣東漳泉人地甚
肥諺云一季種穀三季收稻正此地也人多習水
戰水多地少頭目之家皆傍岸建屋居任其民皆
在木筏上蓋屋居之椿纜拴繫在岸水漲則筏浮
不能滄沒欲遷則起椿連屋移去不勞財力衣食

言語婚姻皆與瓜哇國同 洪武年間廣人陳祖
義等全家逃此克頭目甚橫凡經過客船輒劫財
物至永樂五年太監鄭和等至此有施進卿者亦
廣東人也報陳祖義不仁等情被和生擒祖義回
朝誅滅賜施進卿冠帶爲大頭目王其地後進卿死
位不傳子而傳女施二姐爲王賞罰黜陟皆從其
制土產金銀黃香速香沉香降真香鶴頂黃蠟之
類金銀香如銀匠釵花黑膠相似燒時其味甚烈
鶴頂堪作腰帶刀靶之類又出大鷄大如仙鶴又
出走獸名曰神鹿人多博戲市上亦使中國銅錢

并布帛之類

暹羅國

其國地週千里外山崎嶇內地潮濕土瘠少堪耕種
氣候不正或寒或熱其王居之屋頗高整民房如
樓坐卧食處皆在其上王用白布纏頭上不穿衣
下圍絲嵌手巾錦綺壓腰出入騎象或乘轎一人挾
金柄傘崇信釋教僧尼極多民風皆婦人主事國
王及民謀議刑法輕重買賣巨細皆決於妻與中
國男子情好則置酒同飲坐寢夫恬不怪男子搵
髻用白布纏頭身穿長衫婦人椎髻亦穿長衫婚

姻先請僧迎男子至女家僧取童女喜紅點於男
額名曰利市然後成親過三日後又請僧及諸親
友辦栴榔絲船等物迎女歸男家則置酒張樂待
賓喪禮凡富貴人死用水銀灌腹內而葬平人則
携至郊外海邊沙際爲鳥所食食盡飛去餘骨號
泣棄海中謂之鳥葬亦請僧設齋誦經禮佛國西
北二百餘里有一市名曰上水有番人五百餘家
諸色番貨皆有賣者中國暹羅俱至此買賣土產
黃速香沉香降真香花梨木白豆蔻大風子血竭
藤黃蘇木花犀角象牙翠毛等物蘇木如薪之廣

顏色紅勝他處獸有白象白鼠獅子猫兒其蔬菜似占城有米酒椰子酒燒酒牛羊鷄鴨等物國語頗似廣東民俗囂淫好習水戰貨用海馱亦間用中國歷代錢其王常以方物來貢

暹羅貢使

成化十三年暹羅國遣使臣坤祿羣謝提奈英必美亞二人來貢方物內美亞乃汀州人士謝文彬非本國人也至南京其侄謝瓚識之自稱昔年因販鹽爲大風飄入遂仕本國官至岳坤猶華言學士之類嘗謂外國使臣多非本國土夷皆中國土人

爲之蓋外國去中國旣遠無從稽考中國又憚失遠人之心故厚償其價而款待其人皆厚往薄來之意

滿刺加國

其國舊無國王止有頭目屬暹羅所轄歲輸四十金皇明永樂七年命太監鄭和等詔賜頭目雙臺銀印冠帶袍服建碑封域遂名滿刺加國東南大海西北連山沙滷之地氣候朝熱暮寒田疇俗薄人少耕種國人皆從回回教門持齋受戒王以白番布纏頭身穿細花番布長衣脚穿皮鞋出入乘輜

國人男女方帕包頭女人撮髻腦後身微黑下圍
白布各色手巾上穿色布短衫風俗淳朴房屋如
樓閣人多以魚業土產黃速香烏木打麻兒香錫
之類國語婚姻頗與瓜哇同有樹名孤村鄉民取
皮搗浸澄濾其粉作丸名沙孤米海洲邊生水草
名菱葦取其子釀酒飲之亦能醉人又取其葉織
爲席山出黑虎又有虎化爲人雜市中識者擒
而殺之

柯枝國

其國東峙大山西臨大海頭纏黃白布上不穿衣下

圍色絲手巾用顏色紵絲纏腰曰壓腰國人有五
等一等南毗與王同類內有剃頭挂綿在頸者最
爲貴族二等回回人三等哲地人皆有錢四等人
名革令專爲牙保五等人名木瓜至賤王令此輩
俱居海濱簷不過三尺高者有罪穿衣上不過臍
下不過膝或塗遇南毘哲地人卽伏於傍過則起
而復行專以漁樵檣負爲生經商賣買如中國儼
人國王崇奉佛教每侵晨鳴鍾鼓汲水澆佛頂再
三羅拜而退另一等人名濁肌卽道人也亦有妻
其輩胎髮不剃亦不梳篦以酥油等物將髮搯成

氊樣數縷披拽腦後以牛糞燒灰搽體上下無衣
止黃藤縛腰白布爲稍手拏大海螺吹行伊妻以
布遮醜隨行氣候常暖二三月夜雨一二番五六
月晝夜滂沱七八月總霽後無點雨次年三月仍
然產胡椒珍珠珊瑚市使金銀錢

白馬冉駹

蜀之西鄙諸番雜居今之松州諸番卽古白馬氏茂
州諸番卽古冉駹其性勇戇貪貨死利其俗毛織
畜牧頗知文書由與中國錯居故也其所居止皆
依山據嶮壘石爲室高者十餘丈謂之碉房天氣

多寒土地剛鹵不生穀粟麻菽惟以青稞爲食

吐蕃

唐貞元中王師大破吐蕃於青海臨陣殺吐蕃大兵
馬使乞藏遮或云是尚結贊吐蕃乃收尸歸有百
餘人行哭隨尸威儀絕異使一人立尸旁代語使
一人問瘡疾痛乎代語者曰痛卽膏藥塗之又問
曰食乎代者曰食卽爲具食又問曰衣乎代者曰
衣卽命裘衣之又問歸乎代者曰歸卽具輿馬載
尸而去若此異禮必其國之貴臣也

回回教

回回祖國咸以爲大食或以爲默啜那國或以爲天
方自隋時入中國其教有數種祀天事祖之外一
無所崇於同郡之貧者月有養他方來者亦有助
薄葬把齋不食自殺終身無改焉菽園雜記言其
教祖之詩曰僧言佛子在西空道說蓬萊在海東
惟有孔門真實事眼前無日不春風其高又如此
夷人黨護族類固其習性同然而回回尤甚京師
隆福寺成民人縱觀寺僧雲集一回回忽持斧上
殿殺僧二人傷者二三人卽時執送法司鞫問云
見寺中新作輪藏其下推轉者皆刻我教門形像

憫其經年推運辛苦是以讐而殺之初生小兒先
以熟羊脂納其口中使不能吐嚙待消盡而後乳
之則其子有力且無病其俗善保養者無他法惟
護外腎使不着寒見南人夏不着布袴者以爲非
恐涼外腎也云夜卧當以手握之令暖謂此乃生
人性命之本根不可不保護此說最有理回回文
字有篆草楷三法西洋諸國咸用之亦有陰陽曆
音律醫藥等技所造回回曆與中國僅差二刻

高昌國

高昌國有羊刺草上生蜜極甘又有紅鹽味絕白鹽

色似玉可製爲枕西爲赫羊國相傳立國初忽生一羊形最大毛赤因號國爲赫羊西魏時曾來貢

五印度曆法

今之僧尼戒牒云知月黑白大小及結夏之制皆五印度之法也中國以月晦爲一月而天竺以月滿爲一月唐西域記云月生至滿謂之白月月虧至晦謂之黑月又十二所建各以所宜二十八宿名之如中國建寅之類是也故夏三月自四月十六日至五月十五日爲額沙茶月卽鬼宿名也自五月十六日至六月十五謂之室羅伐拏月卽柳星

名也自六月十六日至七月十五日謂之婆達羅鉢陀月卽翼星名也黑月或十四日或十五日月有大小故也中國節氣與印度遞爭半月中國以二十九日爲盡印度以十四日爲小盡中國之十六日乃印度之初一日也然結夏之制宜如西域記用四月十六日蓋四月十五日乃屬逝瑟毗月乃印度四月盡日也

見藏經

印毒

印毒卽印度之譌也出獅子堆者鬃尾如纓拂傷人吼則聲從腹中出馬聞之怖溺血孔雀與交廣者

同唯尾在翅內每日中振羽金翠燁然香猶似土
豹糞溺皆香風馳急使乘之日可千里鵠鴿傳信
日亦千里珊瑚出西南海乳以鐵網高有至三尺
者金剛鑽者以肉投大澗底飛鳥食其肉糞中得
之撒入兒出西海中蓋玳瑁之遺精蛟魚食之吐
出年深結成者價如金其假者卽犀牛糞爲之也
骨篤犀大蛇之角解諸毒可以作帶彼人謂龍角
帶以欺中國人但以刀刮屑焚之龍角香而蛇角
臭也其國所產異物最多

鵠國

西海之外有鵠國男女皆長七寸爲人自然有禮好
經綸拜跪其人皆壽三百歲其行如飛日行千里
百物不敢犯惟畏海鵠海鵠遇輒吞之亦壽三百
歲此人在鵠腹中不死而鵠亦飛千里

陳稜與齊桓公論

天竺二國

天竺國人性狃急政教敢質風俗尤簡凶悖之人時
虧國憲謀危君父事迹彰明者幽于囹圄無所刑
戮任其生死但不齒于人倫而置之度外其犯禮
傷義悖逆忠孝者則劓鼻截耳斷手刖足或驅出
國門或放流荒裔餘犯輸財贖罪不加荆朴理獄

隨問欵對據事平秤若拒違而犯耻過飾非欲究情實須案問者其法有四條曰水曰火曰稱曰毒水則將罪人與石盛以連囊沈之深流校其真僞人沉石浮則有犯人浮石沉則無犯火乃燒鉄令罪人踞其上復使足蹈既遣掌按又令舌舐虛則無所損實則有所傷懦弱之人不堪炙熾者令捧未開花散之向熾焰虛則花發實則花焦稱則以人石平衡視其輕重虛則人重石輕實則石重人輕毒則以一羯羊剖其右髀置諸毒藥令食之實則毒而死虛則毒歇而蘇上下以此相準永爲常法

法

青唐羗

青唐逸川其地在黃河之曲河湟間有鄯洮河渭蘭會疊宕尋州唐屬隴右節度而鄯其治所也三十里至墨城城因山削或屈曲相重自墨城西下坡十餘里始得平川川皆沃壤中有流水羗多依水築居而任激流而磴由平壤行三十里至湟州城周十里東倚高山北臨淙河西入省章峽山峻嶺二十餘里至湟復由小徑下十餘里道出峭壁縈紆曲折不容並馳其道斷鑿石爲棧下臨湟水深

數百尺過者寒心四十里出峽屈曲下至大川卽
淙河城川也川長百里淙河行其中夾岸皆羗人
居間以松篁宛如荆楚又四十里至淙河又二十
里至青唐城城枕湟水之南廣二十里房開八門
中有隔城以門通之爲東西二城僞王居西城爲
大殿九楹碧琉璃磚環之羗呼禁圍城西有青唐
水注淙河水西平原建佛祠廣五六里繚以周垣
屋至千餘楹爲大像以黃金塗其身又浮屠十三
級以護之有大事必集僧決之僧之麗法無不免
者自青唐西行四十里至林金城城去青海善馬

三日可到海廣數百里其水鹹不可飲自疑爲鹽
其色青中有島廣十里習禪者多居之海西北皆
平衍其人善水草以牧放射獵爲生多不粒食至
此有鉄堠高丈餘羗云此以識界自鉄堠西皆黃
沙無人居青唐之南有瀘戎漢呼爲瀘其子其人
物與青唐羗相類所造鎧甲刀劍尤良瀘戎之南
卽西蜀之背瀘戎至蜀有崇山絕險之限此青唐
逸川土彊風俗之可紀者

古佛國

古佛國在今雲南之正西當中國之西南卽玄奘法

師取經之所名天竺國其地有南北東西中五印度北有大雪山葱嶺極頂故經每稱雪山葱嶺其東卽河源有崑崙山卽佛經所謂須彌山其地有瞻部州其山有達磨悉帝等名意其所稱悉達太子與達磨諸名者本此其地有阿利尼鉢利曷梵衍那薩償那四摩羅等名今所稱衣鉢菩薩多羅尼等字本此皆番國語音卽今以中國所尊皇帝丞相諸稱名耳世人不知含中國之禮義而慕番國之君臣亦惑矣又其所用螺鈸者乃胡人之樂天竺之人重僧必飯之使作樂於前今以臨死者之前彼死者生平不聽胡樂死則聞之以冀超度斷無此理

東女國

東女國西羌別種俗以女爲王與茂州隣有八十餘城所居名康延州中有弱水南流用牛皮爲船以度戶口兵萬人散處山谷號曰賓就有女官號曰高霸平議國事在外僚並男夫爲之五日一聽政王左右侍女數百人王死更于王族中求令女二人而立之大者爲大王小者爲小王大王死則小王繼之或姑死婦繼無墓所居皆重屋王至九重

國人至六重其王服青毛裙不領衫其袖委地以文錦為小髻飾以金耳璫足履素鞞重婦人而輕丈夫文字同于天竺以十一月為正每十月晦巫者齋酒餽詣山中散糟麥于空大呪呼鳥俄有鳥如雉飛入巫者之懷因剖腹視之有谷來歲必登若有霜雪必有大災其俗名為鳥卜人死則納骨肉金瓶中和金而埋之

出神異記

忽魯謨斯國

其國邊海倚山各處番舶雲集民皆富饒舉國皆從回回教每日三次禮拜沐浴齋戒風俗淳朴溫厚

貧窮者少貧者衆助以資本人青白魁偉衣冠濟楚婚喪禮悉依教規如娶妻先媒約通允諾男家則置酒請加酌加酌者教門規矩官也主婚并媒族長兩家各通三代鄉貫來歷寫立婚書然後擇日成婚否則官法如奸論飲食務用酥油拌煮市有燒羊燒鷄燒薄餅咭里撒一應麵食賣者之家多不舉火以銀鑄錢名底那兒通行使用書記家是圓圓字其市肆百物皆有止無酒館國法飲酒棄市文武醫卜之人絕勝他處各色技藝皆有有撮弄者將一大黑猴高三尺演弄諸般本事既畢

令一人將巾帕繫扎猴兩眼又令一人潛打猴頭
一下避之後解其縛令尋打者於千百人中逕取
原打之人甚可笑也氣候有寒暑春花開秋葉落
有霜無雪少霧多露有一大山四面出物四樣一
面出鹽一面出紅土一面出白土一面出黃土產
核桃松子蒲萄花紅萬年棗自結霜各番寶物如
紅鴉姑青黃鴉姑刺石柎把碧祖母喇貓睛金剛
鑽大顆珠黃龍眼珊瑚樹金珀神珀臘珀黑珀美
玉水晶器皿十樣錦剪絨花毯各色梭幅撒哈刺
毯羅毯紗各番青紅嵌手巾及駝馬驢騾之類又

一等獸名草上飛番名昔鴉鍋只大于猫身似玳
瑁班猫兩耳尖黑性純不惡若獅豹猛獸見卽伏
地獸中王也

古里國

其國西臨大海南連柯枝界北接狼奴兒國 永樂
五年命太監鄭和等賚誥勅 誥命銀印及陞賞
各頭目品級冠帶其王崇信釋教以銅鑄佛像造
佛殿以銅鑄瓦蓋之每侵晨王至井汲水浴拜訖
令人收取黃牛夜拋淨糞於銅盆內用水調遍搽
殿內地面牆壁其王府頭目每早亦用糞燒白灰

研細小布袋裝盛常帶在身洗面畢則水調搽頭額并兩股間爲敬牛敬佛之誠國人皆奉回回教算法但以兩手並兩脚二十指計算分毫無差王面底有文重一分又銀小錢名捺兒每箇重三厘其產西洋布花手巾胡椒富家種椰子樹樹可釀酒芭蕉子波羅密王位不傳子而傳外甥傳甥之朝止論母腹所生爲嫡族若無姊妹則立弟無弟則遜與有德之人法無鞭笞輕則截手斷足重則罰金誅戮甚則抄封滅族犯法者拘之到官卽伏不

伏者用鉄鍋盛滾油令以右手一指爍於油內待焦取出用布包封監留在官三日後聚衆開視若手爛其事不枉更加以刑如舊不損則頭目人等以鼓樂送回親友饋禮往賀飲酒作樂最爲奇異

阿州國

其國邊海山遠國富民饒皆奉回回教人性強硬有馬步銳兵七八千國勢威重隣邦懼之 永樂十九年太監鄭和賚 詔勅衣冠賜其王王頭帶金冠身穿黃袍腰繫寶妝金帶其頭目冠服各有差等國人男子纏頭穿撒哈刺梭幅錦綺紵絲綉等

衣足着靴鞋婦人穿長衣肩項佩珍珠瓔珞如觀
音耳帶金圈寶環四對臂纏金寶釧鐲足指亦帶
指環又用絲嵌手巾蓋頂止露其面國人打造入
細生活金銀者絕勝混堂并熟食綵線書籍諸色
物件舖店赤金鑄錢行使名哺嚕嚒每文重官秤
一錢底面有文又紅銅鑄錢零用名哺嚕嚒斯氣候
溫和常如八九月無閏月準十二月爲一年以見
新月之明日爲一月也四季不定自有陰陽推筭
某日爲春首後果花木開榮某日是初秋則葉
落及於日月交蝕風雨潮信無不准驗產萬年棗

松子葡萄桃杏紫檀香木薔薇露簷葡花福鹿青
花白駝鷄大尾無角綿羊獅子麒麟金錢豹

榜葛刺國

卽西印度之地西乃釋迦佛得道之所 永樂十三
年命太監侯顯等捧 詔勅賞賜國王正妃頭目
居處城郭甚嚴殿宇高廣方物風俗甚厚男子白
布纏頭穿白布長衫足穿白綿羊皮靴亦有文字
凡交易雖萬金價定永無悔婦女穿短衫圍色布
絲綿不施脂粉自然嬌白兩耳垂寶鈿項掛瓔珞
髻椎腦後四腕金鐲手足戒指有一種人曰印度

凡飲食男女不同處夫死不再嫁若孤寡無倚一村輪養之不容別村求食田沃豐足一歲二收果有波羅蜜庵摩勒香甚佳其餘蔬菜牛馬之類甚廣通以海貳准錢地產細布撒哈刺毯絨兜羅綿水晶瑪瑙珊瑚真珠寶石糖蜜酥油翠花各色手巾貨用金錢布段色絹青白花磁器銅錢麝香銀珠水銀草蓆胡椒之屬

麟府州

麟府州在黃河西番漢襍居人性頑悍不循理法惟吏稍識去就俗輕生重死侮法忘義凡育女稍長

靡由媒妁暗有期會家不知問情之至者必相拏奔逸於山石掩暗之處並首而卧繩帶置頭各悉力繫之既斃二族方率親屬尋覓見亦不哭謂男女之樂何足悲悼用繒絲都包其身外裹之以氈椎牛設祭乃滌其革密加纏束然後擇峻嶺架木高丈餘呼爲女棚遷尸於上云于飛升天也二族於其下擊鼓飲酒盡日而散

和史彙編

卷之十五

三

